



74
6640
93



74
6640
93



五禮通考卷第二百四十一

內廷供奉禮部右侍郎金匱秦憲用編輯

翰林院侍讀學士嘉慶王鳴盛

參校

李太保總督蘇都御史桐城方觀承同訂

直隸按察司副使元和宋宗元

軍禮九

車戰

蕙田案古者戰陣之事有車有徒而無騎蓋井田行則車有所出溝洫修則騎不得用故車戰之利戰守兼資不貴馳突而務為其不可敗然於險阨之地則亦不用車而用人從所宜也井田溝洫廢騎兵起而車戰不可復矣至於齎器械載衣糧車亦有不可廢者古者有兵車有田車有乘車三者其制大約相同詳見考工記輪人與人輅人諸職若車人

五禮通考卷第二百四十一 車戰

木下中也
寄贈

以爲蓋象地以爲輿象斗以爲杠轂象二十八星以爲蓋弓象日月以爲輪輻前載而後戶前軌而後軫旁騎而首以較下軸而銜以鞮對人者謂之對車如舟者謂之軸揉而相迎者謂之牙軻之曲中謂之前疾軛之上平謂之衡衡之材與輿之下木皆曰任以其力任於此也轂之端與軻之下木皆曰軹以其旁止於此也軫可以名輿可以名車達常可以名部輅前橫木可以名輅此又因一材而通名之也其爲車也

有長轂者有短轂者有杼輪者有倅輪者有反揉者有仄揉者有兩輪者有四輪者有有輻者有無輻者有曲轅者有直轅者有曲輿者有直輿者有廣箱者有方箱者有重較者有單較者或駕以馬或駕以牛或輓以人或飾以物或飾以漆或樸以素要皆因宜以爲之制稱事以爲之也然禮有屈伸名有抑揚故論其任重則雖車亦與大夫同稱大車論其等威則雖諸於王門曰偏駕而已

蕙田案周有五路玉路金路象路革路王行五路有先後之儀孔安國曰大路玉綴路金先路象次路革木也蓋王之行也乘玉路而先之以象路次之以革路木路而金路綴于玉路之後故云綴路也而周禮車僕掌戎路之萃戎路即革路也然則革路即戎車兵車之類矣

又案以上兵車之制
春官巾車革路龍勒條纓五就以即戎

注革路輓之以革而漆之無他飾即戎謂兵車

車僕掌戎路之萃廣車之萃闕車之萃萃車之萃輕車

之萃凡師其革車各以其萃注萃猶副也夏官戎僕掌馭戎車注戎車革路也師出王乘以自將掌王倅車之政正其

服掌凡戎車之儀注倅副也服謂眾乘戎車者之衣服凡戎車之副謂之佐者如眾臣之佐其君謂之卿佐也常以佐之為事道車之副謂

馭夫掌馭貳車從車使車分公馬而駕治之注馭馭車象路之馭從車戎路用

王氏應電曰自大馭以至田樂皆王五路之馭者也馭夫則馭貳車從車使車而已馭車五路之副馭也從車公卿大夫從王之車也使車聽王役使之車三等之車既眾故其員亦六十人

蕙田案以上掌戎車之官

孟子武王之伐殷也革車三百兩

書序武王戎車三百兩

詩大雅大明牧野洋洋檀車煌煌駟彭彭注洋洋廣也煌煌明也駟馬白腹曰駟言上居下股也

小雅六月戎車既飭注戎車革路之等也其等有五者皆兵車所謂五戎是也吉甫所乘兵車亦革路在軍所乘與王同但不知備五戎與否鄭因

元戎十乘以先啟行注元大也夏后氏曰鉤車先正也殷日寅車先疾也周曰元戎先良也

戎車既安如輕如軒注戎車之安從後視之如擊從前視之如軒然後適調也

采芑方叔涖止其車三千師干之試方叔率止乘其四

騏四驥翼翼路車有奭篚蒲魚服鉤膺倅革注方叔卿士也受命為將干扞

試用也或赤貌鉤膺契也方叔臨視此戎車三千乘其士卒皆有佐助扞敵之用爾率者率此戎車上車而行也蒲之言蔽也車之蔽飾象席文也魚服矢服也倅革轡首垂也疏言鉤膺契者以此言鉤足金路故引金路之事以說之在膺之飾惟有契纓故云鉤膺也巾車注云鉤契領之鉤也金路無錫有鉤亦以金為之是鉤用金在領之飾也後注又曰契讀如鞶帶之鞶謂今馬大帶纓今馬鞅金路其契及纓以五采謂飾之而九成是帶鞅在膺故言膺以表之也巾

車金路同姓以封今方叔所乘者或方叔為同姓也又下云方叔元老則方叔所
官之長是上公也上公雖非同姓或亦得乘金路矣不乘革路者以革路臨戰所
乘此時受命率車未至
戰時故不言戎車也

方叔涖止其車三千旂旒央央方叔率止約軈錯衡八

鸞玲瓏鸞軈長轂之軈也朱而約之錯衡文衡也瓏玲瓏也

考工記說兵車乘車其轂長于田車是為長轂也言朱而約之謂以朱色纏束車
轂以為飾輪人云容轂必直陳蒙必正注云容者治轂為之形容也蒙轂約也並
以皮纏之而上加以朱漆也知約以朱者以言鈎膺是陳金路之事也金路以
金為飾轂色宜與金同且言路車有兩頤是亦親故知約必用朱也知錯衡必為
文衡者錯者雜也雜物在衡是有文飾
其飾之物注無云焉不知何所用也

戎車嘽嘽嘽嘽如霆如雷嘽嘽嘽嘽也嘽嘽盛也

秦風小戎小戎倭收五檠梁軈游環脅驅陰鞞蓋續文

茵暢轂駕我騏驎傳小戎兵車也倭收也收軈也五五束也檠檠也梁
軈上句也物五束束有恩錄游環鞞也游在
背上所以禦出也物檠檠也所以止入也陰鞞也
也鞞所以引也蓋白金也續續鞞也軈長轂也

朱子集傳車前後兩端橫木所以收斂所載故名收
凡車之制廣皆六尺六寸其平地任載者為大車則

軈深入尺兵車則軈深四尺四寸比之為淺故曰倭
收也梁軈從前軈以前稍曲而上至衡則向下鈎之
衡橫于軈下而軈形穹隆上曲如屋之梁又以皮革
五處束之其文章歷錄然也游環以皮為環當兩服
馬之背上游移前卻無定處引兩驂馬之外轡貫其
中而執之所以制驂馬使不得外出左傳曰加驂之
有靳是也脅驅亦以皮為之前係于衡之兩端後係
于軈之兩端當服馬脅之外以驅驂馬使不得內入
也陰揜軈也軈在軈前而以板橫側揜之以其陰映
此軈故謂之陰也鞞以皮二條前係驂馬之頸後係
陰板之上也蓋續陰板之上有續鞞之處消白金沃
灌其環以為飾也蓋車衡之長唯六尺六寸止容二
服驂馬之頸不當衡故別為二鞞以引車亦謂之鞞

左傳曰兩制將絕是也文茵車中所坐虎皮褥也暢
長也大車之轂一尺有半兵車之轂三尺三寸比大
車為長故曰暢轂

四牡孔阜六轡在手騏驎是中騶驪是駟龍盾之合蓋
以艘輶傳輶內轡也 蓋蓋

朱子集傳艘環之有舌者置艘于輶前以繫輶故謂之艘輶亦猶沃白金以為飾也

王氏曰晉欒鍼曰吾有二位於戎路襄十四年左晉侯獻楚

俘王賜以戎路之服僖二十八年左乾時之戰魯莊公喪戎路

莊八年漢淮之軍楚鬪丹獲戎車桓公八年皆其君之所乘者也

然周之鋒車曰元戎秦之兵車曰小戎周禮車僕自

廣車而下皆戎車也特不謂之戎路爾車僕凡師革

車會同亦如之戎僕掌馭戎車凡巡狩及兵車之會

亦如之會同巡狩王雖不乘戎車猶共以從不失備

也

陳氏禮書乘車之禮君處左車右處右僕處中故造

車者必慎於左考工記所謂終日馳騁左不捷是也

乘車者不敢曠左戎右所謂會同充革車是也器物

不敢措之於左月令所謂載耒耜于參保介之御間

是也後世魏公子虛左以迎侯生秦皇虛左以迎太

后皆古之遺制耳此特乘車為然若兵車則馭者在

左戎右在右將帥居中昔晉伐齊卻克將中軍解張

御鄭邱緩為右卻克傷矢流血及屨鼓音未絕曰余

病矣解張曰自始合而矢貫余手及肘余折以御左

輪朱殷豈敢言病夫卻克傷矢而未絕鼓音則將在

鼓下矣解張傷手而血殷左輪則御在車左矣此將

帥所乘也

兵車左人持弓右人持矛中人御故書戒左不攻於
左右不攻於右御非馬之正言左右而又言御則御
在中可知也左傳稱秦師過周北門左右免胄而下
言左右下則御在中不下可知也信三年楚樂伯曰致
師者左射以蔽是左人持弓也宣二年欒鍼為晉侯右曰
寡君使鍼持矛焉成二年衛太子為簡子禱曰蒯瞶不敢
自佚備持矛焉是右人持矛也襄九年蓋御無定位右有
常處故將帥車則御在左士卒車則御居中右人之
持矛雖將帥士卒之車不同而所居常在右所職常
持矛也凡此皆三人乘車之法也太僕凡軍旅田役
贊王鼓王之乘車有御與戎右又有太僕則四駟乘
矣春秋之時侯叔夏御莊叔縣房甥為右富父終生
駟乘杜預云駟乘四人乘車

蕙田案此論乘車左右之禮

六韜武王問於太公曰以車與騎步所當幾何公曰
車者軍之羽翼也所以陷堅陣要强敵遮北走易戰
之法一車當步卒八十八人八十八人當一車一車當六
騎六騎當一車十乘敗千人百乘敗萬人此其大數
也置車之吏數五車而一長十車而一吏五十車而
一卒百乘而一將易戰之法五車為列前後相去四
十步左右十步險戰之法車必循道十車為聚二十
車為屯前後相去二十步左右六步隊間三十六步
五車一長縱橫相去一里各返故道選車士之法取
年四十以下長七尺五寸已上走能逐馬及馳而乘
之前後左右上下周旋能超乘旌旗力毅八石弩射
前後皆便習者武車之士不可不厚也車戰之地凡

五車戰
七

車之死地有十其勝地有八往而無還者車之死地也越絕險阻乘敵遠行者車之竭地也前易後險者車之困地也陷之險阻而難出者車之絕地也圯下漸澤黑土黏埴者車之勞地也左險右易上陵抑阪者車之逆地也殷草橫畝犯厯深澤者車之拂地也車少地易與步不敵者車之敗地也後有溝瀆左有新水右有險阪者車之壞地也日夜霖雨旬日不止道路漬陷前不能進後不能解者車之陷地也此十者車之死地也敵之前後行陣未定即陷之旌旂擾亂人馬數動即陷之士卒前後相顧前往而疑後恐而怯即陷之三軍卒驚皆薄而起即陷之戰于易地暮不能解即陷之遠行而暮舍三軍恐懼即陷之此八者車之勝地也

陳氏禮書古者之用兵也險野人為主易野車為主則險野非不用車而主於人易野非不用人而主於車車之於戰動則足以衝突止則足以營衛將卒有所芘兵械衣裘有所齎詩曰君子所依小人所腓則車之為利大昔周伐鄭為魚麗之陳先偏後伍承彌縫桓公五年邲之戰楚君之戎分為二廣廣有一卒卒偏之兩宣公十二年楚巫臣使於吳以兩之一卒適吳舍偏兩之一焉成公七年考之周禮五伍為兩四兩為卒司馬法二十五人為兩百人為卒卒兩則人也偏則車也杜預云十五乘為大偏九乘為小偏其尤大者又有二十五乘之偏則鄭魚麗之偏二十五乘之偏也楚二廣之偏十五乘之偏也巫臣所舍之偏九乘之偏也先偏後伍從其偏也卒偏之兩兩從其偏也先其車

足以當敵後其人足以待變則古者車戰之法略可知也或者謂晉人以什共車必克房琯以車戰取敗遂以為用車不若用人與騎之愈是不知晉人之克非什之利用什之幸也房琯之敗非車之不利用車之罪也古者教民以射御為藝君子以射御為能故孔子曰吾執射乎執御乎詩稱叔段之多才則曰叔善射忌又良御忌古人相率以射御如此則登車而不能御參乘而不能射者鮮矣房琯之用車有是人乎不然巫臣教吳以乘車而能取勝於楚何也戎車之制不可以考姑倣小戎以見之

章氏潢曰車戰之法每車用甲士三人步卒七十二人行則以車為衛居則以車為營一車之間又有倅車見周禮車僕春秋如韓原之戰駱秦伯將止之鞏之戰韓

厥中御而從齊侯鄆陵之戰卻至遇楚子韓厥從鄭伯邲之戰楚子乘廣以逐趙旃用車以戰而使敵人得與吾元帥相接則是環衛之車不設也蓋古者車戰之法前後整齊必有護衛前後行列元帥未易動搖也至春秋列國所云往往軍伍不整而元帥每以車逐利混然左右率無定法故敵人得以及之終春秋之世致敗者未有不由車戰之無法而輕動搖也惟繻葛之戰二拒用事若原繁高渠彌以中軍奉公未嘗輕動搖深得古法

馬氏端臨曰兵雖凶器然古之以車戰其坐作進退整暇有法未嘗掩人之不備而以奇取勝也故韓厥遇齊侯則奉觴加璧卻至遇楚子則免胄趨風可以死則為于孳之請矢可以無死則為庾公之叩輪所

謂殺人之中又有禮焉雖春秋伯國之君臣其志在於爭城爭地然於勅敵之人初不迫人於險固如此至後世捨車而用徒然彼長於徒我長於車今捨吾之長技而與之搏是以兵予敵也故必設覆以誘之未陳而薄之然後可以取勝而車戰之法廢矣

顧氏炎武曰古制一車甲士三人步卒七十二人炊

家子十人固守衣裝五人廩養五人糗汲五人見前隨

車而動如足之腓也傳曰腓也箋曰腓當作胫骨木是步乘相資短長相

衛行止相扶此所以為節制之師也繻葛之戰鄭原

繁高渠彌以中軍奉公為魚麗之陳先偏後伍伍乘

彌縫卒不隨車遇闕即補斯已異矣古時營陳遇闕處仍以車補周禮車僕掌闕車

之卒注闕車所用補闕之車也左傳宣公十二年楚子使潘黨率游闕四十乘注游車補闕者

車以為行五乘為三伍注乘車者車三人五乘十五人今改為去車更以五人為伍分為三伍為五

陳以相離兩於前伍於後專為右角參為左角偏為前拒專任步卒以取捷速然亦必山林險阻之地而後可用也步不當騎於是趙武靈王為變服騎射之令而後世因之所以取勝於敵者益輕益速而一敗塗地亦無以自保然後知車戰之謀遠矣終春秋二百四十二年車戰之時未有斬首至於累萬者車戰廢而首功興矣先王之用兵服之而已不期於多殺也殺人之中又有禮焉以此毒天下而民從之不亦宜乎

蕙田案以上六條論車戰之道

觀承案車戰自是古法然與井田相待而成

井田既廢已無車賦又無溝洫以限戎馬之

足而猶泥古之跡侈言魚麗此房瑄陳壽斜

之敗所以貽笑於唐也

右車戰

詩大雅皇矣以爾鉤援與爾臨衝以伐崇墉臨衝閑閑

崇墉言言臨衝芾芾崇墉仡仡傳鉤鉤梯也臨衝車也衝衝車也閑閑動搖也芾芾強盛也

言猶孽孽將壞貌 臨衝者在上臨下之名衝者從旁衝突之稱二車不同兵書有作臨衝車衝車之法墨子有備衝之篇知臨衝俱是車也箋以詩美文王以德服崇若臨衝本所不用則不應言之今詩言衝則是用以攻城故知言言仡仡皆將壞之貌

陳氏禮書詩曰臨衝閑閑毛氏曰臨車衝車也蓋臨

車高衝車大高則可以臨下大則可以突前故荀卿

曰渠衝入穴而求利楊子曰衝不薺皆言衝車之大

也衝或作輶說文曰陷陣車孫武曰攻城之法修其

櫓輶輶輶四輪車蓋衝車之類也楚子使解揚登樓

車以告宋人蓋臨車之類

右攻城之車

春秋隱公九年左氏傳北戎侵鄭鄭伯禦之患戎師曰

彼徒我車懼其侵軼我也也軼突也公子突曰使勇而無

剛者嘗寇而速去之也嘗試也勇則能往無剛則不恥退君為三覆以待之也

戎輕而不整貪而無親勝不相讓敗不相救先者見

獲必務進進而遇覆必速奔後者不救則無繼矣乃可

以逞從之戎人之前遇覆者奔祝聃逐之衷戎師前後

擊之盡殪戎師大奔

宣公十二年左氏傳邲之戰欒武子曰楚君之戎分為

二廣注君之親兵廣有一卒卒偏之兩注十五乘為一廣司馬法百人為卒二十五人為兩車五乘為大偏

復以二十五人為承副 右廣初駕數及日中左則受之以至

于昏內官序當其夜注內官近官序也以待不虞不可謂無備

楚子為乘廣三十乘分為左右右廣雞鳴而駕日中而

說注說舍也左則受之日入而說許偃御右廣養由基為右彭

名御左廣屈蕩為右注楚王更迭戰之故各有御右

成公七年左氏傳晉申公巫臣使于吳以兩之一卒適

吳舍偏兩之一焉注司馬法百人為卒二十五人為兩車九乘為小偏十五乘為大偏蓋兩九乘車及一兩二十五人令吳習之也

與其射御教吳乘車教之戰陣教之叛楚寘其子狐庸

焉使為行人於吳

昭公元年左氏傳晉中行穆子敗無終及羣狄于太原

注即大鹵也崇卒也注崇也將戰魏舒曰彼徒我車所遇又阨注地無終山戎

請皆卒注去車為步卒自我始乃毀車以為行注魏舒先自毀其屬車為步陣五乘為

三伍注乘車者車三人五乘十五人今改去更車以五人為伍分為三伍荀吳之嬖人不肯即卒斬

以徇注魏舒輒斬之荀吳不恨所以能立功為五陳以相離兩於前伍於後專為

右角參為左角偏為前拒注皆臨時處置之名以誘之翟人笑之未

陳而薄之大敗之注傳言荀吳能用善謀

左春秋車戰

漢書夏侯嬰傳破李由軍雍邱以兵車趨攻戰疾破之

從擊章邯軍東阿濮陽下以兵車趨攻戰疾破之又擊

秦軍雒陽東以兵車趨攻戰疾破之

灌嬰傳嬰以御史大夫將車騎別追項籍至東城破之

霍去病傳青令武剛車自環為營張晏曰兵車也而縱五千騎往

當匈奴

李廣傳陵與單于相值圍陵軍陵居兩山間以大車為

營引士出營外為陳連戰士卒中矢傷三創者載輦兩

創者將車一創者持兵戰

馬氏端臨曰先儒因考西漢書此數條以為車戰之

制漢尚用之然詳考其辭則是以車載糗梁器械立

則環以為營耳所謂甲士三人左持弓右持矛中執

綏之法已不復存矣

文獻通考後漢光武造戰車可駕牛上作樓櫓置於塞上以拒敵

靈帝時陽璇為零陵守制車數十乘以禦賊

蕙田案以上漢

晉馬隆擊鮮卑樹機能以眾數萬據險拒之隆以山陬隘乃作扁箱車地廣則為鹿角車營路狹則為木屋施於車上轉戰而前行千餘里殺傷甚眾遂平涼州劉裕伐南燕以車四千乘為左右翼方軌徐進與燕兵戰于臨朐敗之

裕伐秦假道於魏魏遣軍微之裕遣白直隊主丁旼帥仗士七百人車百乘渡北岸去水百餘步為卻月陣兩端抱河車置七仗士事畢使豎一白旄魏人不解其意

皆未動裕先命甯朔將軍朱超石戒嚴白旄既舉超石率二千人馳往赴之齋大弩百張一車益二十人設彭排於轅上魏人圍之超石以大鎚及稍千餘禦之魏師奔潰

蕙田案以上晉

魏太武真君四年北征柔然騎十萬車十五萬兩旌旗千里遂渡大漠柔然怖畏不敢復南向

蕙田案以上北魏

通鑑隋開皇二年遣諸將與突厥戰戎車步騎相參與鹿角為方陳

蕙田案以上隋

唐書裴行儉傳調露元年突厥阿史德溫傅反詔行儉為定襄道大總管統兵討之先時饋糧數為敵鈔軍餒

死行儉乃詐為糧車三百乘伏壯士伍輩齎陌刀勁弩以羸兵挽進又伏精兵衝其後敵果掠車羸兵走險賊驅就水草解鞶牧馬方取糧車中而壯士突出伏兵至殺獲幾盡自是糧車無敢近者

房琯傳琯將兵復兩京至便橋陳濤斜琯效春秋時戰法以牛車二千乘馬步夾之既戰賊乘風譟牛悉股栗賊縱火焚之人畜大亂官軍死傷者四萬人

馬燧傳燧為河東節度使為戰車冒以狻猊象列戟于後行以載兵止則為陣遇險則制衝冒以討田悅推火車焚其將楊朝光柵進擊大破之

蕙田案以上唐

李燾長編宋真宗咸平四年吳淑請復古車戰之法曰衛青李陵田豫馬隆皆以車而勝近符彥卿破敵陽城

亦拒馬為行塞夫北敵所長者騎兵也苟非連車以制之則何以禦其奔突哉故用車戰為便其制取常用車接其衝軛駕以牛車上置鎗以刃外向列士卒於車外賊至射之乃出騎兵擊之此制敵要術也戰之用車一陣之鎧甲也故可以行止為營陣賊至則斂兵附以拒之賊退則乘勝出兵以擊之出則藉此為所居之地入則以此為所居之宅故人心有依不懼胡騎之陵突也景德初契丹入寇大將李德隆以澶淵不足守命士卒掘濠塹以大車數十乘重壘環之步騎處中戎馬數萬來攻其營禦之遁去

仁宗至和二年韓琦言郭固就民車約古制為兵車臨陣禦敵緩急易集其車前銳後方上置七槍為前後二拒此馬燧戰車行載兵甲止為營陣也又以民車之箱

增爲重箱高四尺四寸用革輓之吳起所謂革兵揜戶輓輪籠轂是也臣以爲可用於平川之地臨陣以折奔衝下營以爲寨腳今令固自費車式進呈試之以固爲衛尉寺丞范仲淹上議攻云延安之西慶州之東有賊界百餘里侵入漢地唐馬燧造戰車行載甲兵止爲營陣此路山陂大車難進當用小車二十兩銀絹錢二十萬賞有功將吏

神宗時以北邊將入寇遣中貴人取兩河民車爲備民大驚擾上問沈括曰卿知籍車之事乎括曰車戰之利見於歷世但古人所謂輕車者兵車也今之民車重大以牛挽之日不能行三十里少蒙雨雪跬步不進故俗謂之太平車恐兵閒不可用耳上喜曰無人如此語朕遂罷籍車之令

徽宗時涇原邢恕建兵車之議下令創造買牛以駕凡數千乘已而蔡碩又請河北置五十將兵器仍爲兵車萬乘蔡京主其說行之姦吏旁緣即日散行郡縣掠民緡錢矣崇甯三年河北陝西都轉運司皆奏兵車用許彥圭所定式則車大而費財實多依往年二十將兵車式輕小易用復可省費詔卒用許彥圭式行下時熙河轉運副使李復先奏曰古者師行固嘗用車然井田法廢已久且今之用兵與古不同古者兵不妄加征戰有禮不爲詭遇動皆有法又多在平原易野故車可以行而敵人不敢輕犯今之用兵盡在極邊下寨駐軍各以保險爲利車不能上又戰陣之交一進一退車不能及或爲敵所襲逐車又不及收臣於戎馬間觀之屢矣乃至糧糗衣服器械有不能爲用者而況於車乎臣聞此

議出於許彥圭彥圭因姚麟上其說爲身謀朝廷但以麟邊人熟邊事遂然之而不知彥圭輕妄麟立私恩以誤國計昔唐房琯用車戰大敗於陳濤斜當時在畿邑平地尙如此況今欲用於峻坂溝谷之間乎且戰車比常車闊六七寸運不合轍昨東來者牽挽不行致兵夫典賣衣物自賃牛具終日而進六七里率多逃亡戰車棄於道路未造則有配買物材顧差夫匠之擾旣成又艱於運致然則其爲諸路之患其費不知其幾千萬矣彥圭苟望一官之進上欺朝廷下害百姓此而不誅何以懲後臣今乞便罷造已造者不復運來以寬民力其後彥圭卒得罪

欽宗靖康末樞密將官劉浩在河北募兵創造戰車其法有左右角前後拒各用卒二十五人每車計百人

文獻通考高宗建炎初宗澤造戰車法運車者十有一執器械輔車者四十有四每車計五十五人李綱造戰車法兩竿雙輪上設皮籬以捍矢石下施鐵裙以衛人足旁施鐵索聯可爲營四人推竿以運車一人登車以發矢二十人執軍器發車之兩旁每車用二十五人其法竟不及施蓋自渡江後東南沮洳之區險隘之地不以車爲主也

紹興二年布衣王大智獻車式上命爲樞密計議官明年車成而不可用罷之

上謂輔臣曰車制雖古然用各有宜況其物料多南方所無且古人用車亦或不利如驂絰而止之類蓋用車戰陣閒亦非利器也席益曰古人之戰彼此皆用車至於彼徒我車已有侵軼之慮而後人每以車

敵騎其敗固宜房培陳濤斜是也

孝宗隆興初宰臣進呈陳敏軍中措置教習車陣陳康伯曰數年前陳敏增制造行下三衙相度有車樣陣圖見在上曰車戰古法平原曠野可以備馳突爾亦卒不用

甯宗開禧初中郎將厲冲方者為厯陽守嘗造戰車九牛弩未及用而罷去周虎繼之用其戰車敗敵于清水鎮

蕙田案以上宋

又案車戰行于秦漢之下往往利少而害多故唐宋兵志皆不載車制略之也

右漢至宋車戰

舟師

蕙田案周禮卒徒車馬皆出于井田邱甸無所謂舟師者春秋之季荆吳始大而地界澤國水戰乃興易曰地險山川邱陵也孟子曰固國不以山谿之險然則欲爭川與谿之險者其必不能廢舟矣後世用之者尤多明堂月令曰舫人習水而世所傳六韜亦有水戰篇今輯為一卷附車戰後

春秋襄公二十四年左氏傳夏楚子為舟師以伐吳不為軍政無功而還不設賞

昭公十七年左氏傳吳伐楚陽句為令尹戰于長岸大

敗吳師獲其乘舟餘皇使隨人後至者守之環之及

泉周也盈其隧炭陳以待命吳公子光請於眾曰喪

先王之乘舟豈唯光之罪眾亦有焉請藉取之以救死

眾許之使長鬣者三人長鬣鬚與吳人異形詐為楚人潛伏於舟側曰我呼餘皇則對師夜從之三呼皆迭對楚人殺之楚師亂吳人大敗之取餘皇以歸

二十四年左氏傳楚子為舟師以略吳疆沈尹戌曰此行也楚必亡邑不撫民而勞之吳不動而速之注速召也吳踵楚注躡楚而疆場無備邑能無亡乎越大夫胥犴勞王於

豫章之汭注汭水名越公子倉歸王乘舟注歸也倉及壽夢帥師從王注壽夢越大夫及圍陽而還注圍陽楚地吳人踵楚而邊人不備遂滅巢及鍾離而還

定公四年左氏傳蔡侯吳子唐侯伐楚舍舟于淮汭注淮水名自豫章與楚夾漢注豫章漢東江北地名左司馬戍謂子常曰子沿漢而與之上下注沿漢上下我悉方城外以毀其舟注悉方城子濟漢而伐之我

自後擊之必大敗之既謀而行武城黑謂子常注武城黑曰吳用木也我用革也注用革不可久也不如速戰史皇謂子常楚人惡子而好司馬若司馬毀吳舟于淮塞城口而

人注城口三監道之總名是獨克吳也子必速戰不然不免乃濟漢而陳自小別至於大別注馬貢漢水至大別南入江然則二別在江夏界三戰子常知不

可欲奔史皇曰安求其事難而逃之將何所入子必死之十一月庚午二師陳于柏舉闔廬之弟夫概王以其屬先擊子常之卒大敗之吳從楚師及清發半濟而擊

之又敗之雍澁五戰及郢注通哀公九年左氏傳吳城邗溝通江淮注于邗江築城穿溝東北通射陽湖西北至宋中入

蕙田案舟師之制不始于春秋竹書紀年帝相二十七年澆伐斟大戰于維覆其舟滅之

楚辭天問覆舟斟鄩何道取之正謂此也可見舟師之制不特餘皇之呼淮汭之舍始見于經傳矣但夏后時事荒遠無稽不若春秋有據耳

右春秋舟師

漢書武帝本紀元鼎五年夏四月南越王相呂嘉反秋遣伏波將軍路博德出桂陽下湟水樓船將軍楊僕出豫章下瀕水歸義越侯嚴為戈船將軍出零陵下離水甲為下瀨將軍下蒼梧皆將罪人江淮以南樓船十萬人越馳義侯遺別將巴蜀罪人發夜郎兵下牂牁江咸會番禺注張晏曰嚴故越人陰為歸義侯越人于水中負人船又有蛟龍之害故置戈于船下因以為名也臣瓚曰伍子胥書有戈船以載千文因謂之戈船也離水出零陵師古曰以樓船之例言之則非為載千文也此蓋船下安文載以御蛟龍水蟲之害張說近之服虔曰甲故越人歸漢者也臣瓚曰瀨滿也吳越謂之瀨中國謂之噴伍子胥書有下瀨船應劭曰遺亦越人也如瀨曰番禺音番愚射所都師古曰即今之廣州

西南夷列傳始楚威王時使將軍莊蹻將兵循江上略巴黔中以西以其眾王滇建元六年大行王恢擊東粵因兵威使番禺令唐蒙風曉南粵蒙迺上書說上曰南粵王黃屋左纛地萬餘里實一州主今以長沙豫章往水道多絕難行竊聞夜郎所有精兵可得十萬浮船牂牁出不意此制粵一奇也乃拜蒙以郎中將將千人食重萬餘人從巴苻關入

兩粵傳元鼎五年南粵反餘善上書請以卒八千從樓船擊呂嘉等兵至揭陽以海風波為解不行持兩端陰使南粵及漢破番禺樓船將軍僕上書願請引兵擊東粵上以士卒勞倦不許罷兵令諸校畱屯豫章梅領待命明年秋餘善聞樓船請誅之漢兵畱境且往迺遂發兵距漢道號將軍驪力等為吞漢將軍入白沙武林梅

五神道卷三十一
領殺漢三校尉是時漢使大司農張成故山州侯齒將屯不敢擊卻就便處皆坐畏懦誅餘善刻武帝璽自立詐其民爲妄言上遣橫海將軍韓說出句章浮海從東方往樓船將軍僕出武林中尉王溫舒出梅嶺粵侯爲艾船下瀨將軍出如邪白沙元封元年冬咸入東粵東粵發兵距嶮使徇北將軍守武林敗樓船軍數校尉殺長史樓船軍卒錢唐棟終古斬徇北將軍爲語兒侯自兵未往故粵衍侯吳陽前在漢漢使歸諭餘善不聽及橫海軍至陽以其邑七百人反攻粵軍於漢陽及故粵建成侯敖與繇王居股謀俱殺餘善以其眾降橫海軍封居股爲東成侯萬戶封敖爲開陵侯封陽爲卵石侯橫海將軍說爲按道侯橫海校尉福爲繚嫫侯及東粵將多軍漢兵至棄軍降封無錫侯故甌駱將左黃同斬

西于王封爲下邳侯

蕙田案武帝開昆明池以習水戰然樓船下瀨伏波橫海諸軍皆用之于南粵東夷耳餘固無所用之

後漢書岑彭傳建武九年公孫述遣其將田戎等據荆門虎牙橫江水起浮橋闕樓立橫柱以絕水道結營山上以拒漢兵彭數攻之不利於是裝直進樓船冒突露橈數千艘十一年彭與吳漢及誅虜將軍劉隆等三將發南陽武陵南郡兵又發桂陽零陵長沙委輸棹卒凡六萬餘人騎五千匹皆會荆門吳漢以三郡棹卒多費糧穀欲罷之彭以蜀兵盛不可遣上書言狀帝報彭曰大司馬習用步騎不曉水戰荆門之事一由征南公爲重而已彭令軍中募攻浮橋偏將車魯奇應募而前時

天風狂急奇船逆流而上直衝浮橋而攢柱鉤船不得去奇等乘勢殊死戰因飛炬焚之風怒火盛橋樓崩燒彭悉軍順風並進所向無前蜀兵大亂溺死者數千人交獻通考建安十三年曹操南擊劉表取荊州追劉備於當陽備遣諸葛亮求救於孫權操遺權書曰今治水軍八十萬眾方與將軍會獵於吳長史張昭曰將軍大勢可以拒操者長江也今操得荊州奄有其地劉表治水軍蒙衝鬪艦乃以千數操悉浮以沿江此爲長江之險已與我共之矣不如迎之周瑜曰今北土未平而操舍鞍馬仗舟楫與吳越爭衡又今盛寒馬無橐草驅中國士眾遠涉江湖之間不習水土必生疾病此數者用兵之患而操皆犯之瑜請得精兵數萬人保爲將軍破之權從之遣兵三萬人令瑜拒操與操遇於赤壁時操

軍已有疾疫初一交戰不利引次江北瑜部將黃蓋曰今寇眾我寡難與持久操軍方進船艦首尾相接可燒而走也乃取蒙衝鬪艦十艘載燥荻枯柴灌油其中裹以帷幕上建旌旗豫備走舸繫于其尾先以書遺操詐云欲降時東南風急蓋以十艦最著前中江舉帆餘船以次俱進操軍吏士皆出立營觀指言蓋降去北軍二里餘同時發火火烈風猛船往如箭燒盡北船延及岸上營落頃之烟炎張天人馬燒溺死者甚眾瑜等率輕銳繼其後雷鼓大震北軍大壞操引軍從華容道步走引軍北遁

二十四年孫權使呂蒙襲關羽於江陵蒙至尋陽盡伏其精兵艚艦中使白衣搖櫓作商賈人服晝夜兼行羽所置江邊屯候盡收縛之故羽不聞知至江陵羽將士

遂以城降

蕙田案以上漢

晉武帝謀伐吳詔王濬修舟艦乃作大船連舫百二十步受二千餘人以木為城起樓櫓開四出門其上皆得馳馬往來又畫鷁首怪獸于船前以懼江神舟楫之盛自古未有時造船木梯蔽江而下吳建平太守吾彥取以白吳主曰晉必有攻吳之計宜增建平兵皓不從太康元年王濬伐吳攻丹陽克之吳人于江積要害之處並以鐵鎖橫截之又作鐵錐長丈餘暗置江中以逆距船濬乃作大筏數十方百餘步縛草為人披甲持仗令善水者以筏先行遇鐵錐輒著筏去又作大炬長十丈大數十圍灌以麻油在船前遇鎖然炬燒之須臾融液斷絕於是船無所礙順流徑造三山孫皓遣游擊將軍

引象率舟師萬人禦濬象望旗而降濬兵甲滿江旌旗燭天吳人大懼

安帝義熙六年盧循因劉裕北伐乘虛襲建康率眾數萬方艦而下裕引兵南還拒之出輕利鬪艦躬提幡鼓眾軍騰勇爭先軍中多萬鈞神弩所至摧陷裕自中流蹙之因風水之勢賊艦悉泊西岸岸上軍先備火萬具悉焚之賊眾大敗

太尉劉裕率師伐秦王鎮惡請率水軍自河入渭直至渭橋鎮惡所乘皆蒙衝小艦行船者悉在艦內泝渭而進艦外不見有行船人北土素無舟楫莫不驚異以為神

蕙田案以上晉

唐書李靖傳蕭銑據江陵靖陳圖銑十策詔拜靖行軍

蕭銑據江陵靖陳圖銑十策詔拜靖行軍

三

總管攝趙郡王孝恭行軍長史武德四年八月大閱兵夔州時秋潦濤瀨漲惡銑以靖未能下不設備諸將亦請江平乃進靖曰兵機事以速為神今士始集銑不及知若乘水傅壘是震霆不及塞耳倉卒召兵無以禦我此必禽也孝恭從之九月舟師叩夷陵銑將文士宏以卒數萬屯清江孝恭欲擊之靖曰不可士宏健將下皆勇士今新失荆門悉銳拒我此救敗之師不可當宜駐南岸待其氣衰乃取之孝恭不聽留靖守屯自往戰大敗還賊委舟散掠靖視其亂縱兵擊破之取四百餘艘溺死者萬人即率輕兵五千為先鋒趨江陵薄城而營破其將楊君茂鄭文秀銑懼檄召江南軍不及明日降

蕙田案新唐書兵志不載舟師事無可考

又案以上唐

文獻通考宋太祖乾德初鑿大池于京城之南引蔡水以注之造樓船百艘選精兵號水虎習戰池中

開寶六年詔以新池為講武池 七年將有事于江南是歲凡五臨幸觀習水戰 九年四月幸金明池習水戰上御水心殿命從臣列坐以觀戰艦角勝鼓譟以進往來馳突為迴旋擊刺之狀顧謂侍臣曰兵棹之技南方之事也今已平定固不復用但時習之不忘武功耳 訖真宗朝歲習不輟

高宗建炎元年右僕射李綱言當於沿河沿淮沿江帥府置水兵二軍要郡別置水兵一軍招集善波操舟便利之人擬立軍號曰凌波樓船軍從之 四年夏四月元术入寇自明州回歸韓世忠先屯焦山以邀其歸路元术遣人約日會戰世忠伏兵擊之俘獲甚眾及其舟

千餘艘敵終不得濟復使致詞願還所掠益以名馬求假道世忠不從與相持于黃天蕩世忠以海艦進泊金山下將戰世忠預命工鍛鐵相連爲長纜貫一大鉤以授士之驍捷者平旦敵以舟噪而前世忠分海舟爲兩道出其背每纜縋則曳一舟而入敵竟不得濟乃求與世忠語世忠酬答如響時於所佩金鳳瓶傳酒縱飲示之兀朮見世忠整暇色益沮乃求假道甚恭世忠曰是不難但迎還兩宮復舊疆土歸報明主足相全也兀朮旣爲世忠所阨欲自建康謀北歸不得去或教以盧場地鑿大渠二十餘里上接江口在世忠之上遂傍冶城西南隅鑿渠一夜渠成次早出舟世忠大驚金人悉趨建康世忠尾擊敗之兀朮乃揭榜募人獻所以破海舟之策有教其於舟中載土以平版鋪之穴船板以擢槳

俟風息則出江有風則勿出海舟無風不可動也以火箭射其竊蓬則不攻自破矣一夜造火箭成是日引舟出江其疾如飛天霽無風海舟皆不能動以火箭射海舟竊蓬世忠軍亂遂潰還鎮江

紹興三十一年金亮渝盟入寇李寶以舟師禦之至東海縣時金兵已圍海州寶麾兵登岸敵驚出意外亟引去於是魏勝出城迎寶寶遣辨士四人招納降附時山東豪傑王世修輩皆各以義旗聚眾爭應爲援寶與子公佑引舟師至密之膠西石臼島而敵舟已出海口泊唐島相距止一山候風卽南不知王師之猝至也寶伺敵未覺遣其將曹洋黃端禱于石臼神祈風助順忽風自南來眾喜爭奮引帆握刃俄頃過山薄敵鼓聲震蕩敵驚失措敵帆皆以錦纈爲之彌亘數里忽爲波濤捲

聚一隅窘促搖兀無復行次寶命以火箭射之烟焰隨發延燒數百火不及者猶欲前拒寶命健士躍登其舟以短兵擊刺墮之舟中其餘簽軍皆中原舊民脫甲而降者三千餘人獲首完顏鄭家奴等六人斬之又獲其統軍印與偽詔文書器甲糧斛以萬計寶欲乘勝以進而聞逆亮已濟淮遂旋師駐東海視緩急爲援遣小舟奏捷既至上命降詔獎之除寶靖海節度沿海制置使十一月亮親統細軍駐和州欲由采石而渡朝廷詔王權赴行在以李顯忠代之命虞允文趣顯忠交權兵時顯忠未至權聽留水軍舟舩咸在允文督軍士決戰于是統制張振王琪等列江岸以待之而以海鯨船載精兵駐中流迎敵布陣甫畢亮以小紅旗麾舟絕江而來諸將盡伏山崦敵未之覺一見大驚欲退不可敵舟皆

旋爲之底極不平舟中之人皆不能施盡爲官軍所殺明日允文又命戚新引舟師直楊林河口駐舟江心齊力射敵敵見舟無歸路於下流縱火自焚官軍亦於上流焚其舟凡百八十亮引去

孝宗隆興元年九月詔諸州召募水手于手上刺某州水軍字以革冒代之弊四年樞密院言潮州守臣傅自修欲於本軍禁軍闕額人數內撥三指揮二百人專防海道以諳識水勢人充

蕙田案以上宋

明史兵志舟之制江海各異太祖于新江口設船四百永樂初命福建都司造海船百三十七又命江楚兩浙及鎮江諸府衛造海風船成化初濟州衛楊渠獻槳舟圖皆江舟也海舟以舟山之烏槽爲首福船耐風濤且

禦火浙之十裝標號軟風蒼山亦利追逐廣東船鐵栗木爲之視福船尤大而堅其利用者二可發佛郎機可擲火毬大福船亦然能容百人底尖上闊首昂尾高舵樓三重帆桅二傍護以板上設木女牆及礮牀中爲四層最下實土石次寢息所次左右六門中置水櫃揚帆炊爨皆在是最上露臺穴梯而上傍設翼板可憑以戰矢石火發則皆俯發可順風行海蒼視福船差小開浪船能容三五十人頭銳四槳一櫓其行如飛艫船視海蒼又小蒼山船首尾皆闊帆櫓並用櫓設船傍近後每傍五枝每枝五跳跳二人以板圍跳上露首于外其制上下三層下實土石上爲戰場中寢處其張帆下樅皆在上層咸繼光云倭舟甚小一入裏海大福海蒼不能入必用蒼船逐之衝敵便捷溫人謂之蒼山鐵也沙

鷹二船相背成用沙船可接戰然無翼蔽鷹船兩端銳進退如飛傍釘大茆竹竹間窗可發銳箭內舷外隱人以蕩槳先駕此入賊隊沙船隨進短兵接戰無不勝漁船至小每舟三人一執布帆一執槳一執鳥嘴銃可掩賊不備網梭船形如梭竹桅布帆容二三人可哨探蜈蚣船象形也能駕佛郎機銃底尖面闊兩傍楫數十行如飛兩頭船旋轉在舵因風四馳諸船無逾其速蓋自嘉靖以來東南日備倭故海舟之制特詳

顧炎武海師說海道用師古人蓋履行之矣吳徐承率舟師自海入齊此蘇州下海至山東之路越王句踐命范蠡舌庸率師沿海沂淮以絕吳路此浙東下海至淮上之路唐太宗遣強偉於劍南伐木造舟艦自巫峽抵江揚趨萊州此廣陵下海至山東之路漢

武帝遣樓船將軍楊僕從齊浮渤海擊朝鮮魏明帝
遣汝南太守田豫督青州諸軍自海道討公孫淵秦
苻堅遣石越率騎一萬自東萊出右遼襲和龍唐太
宗伐高麗命張亮率舟師自東萊渡海趨平壤薛萬
徹率甲士三萬自東萊渡海入鴨綠水此山東下海
至遼東之路漢武帝遣中大夫嚴助發會稽兵浮海
救東甌橫海將軍韓說自句章浮海擊東越此浙江
下海至福建之路劉裕遣孫處沈田子自海道襲番
禺此京口下海至廣東之路隋伐陳吳州刺史蕭嘏
遣燕榮以舟師自東海至吳此又淮水下海而至蘇
州也公孫度越海攻東萊諸縣侯希逸自平盧浮海
據青州此又遼東下海而至山東也宋李寶自江陰
率舟師敗金兵于膠西之石臼島此又江南下海而

至山東也此皆古人海道用師之效

蕙田案以上明

右漢至明舟師

五禮通考卷第二百四十一

五禮通考卷第二百四十二

內廷儀禮部右侍郎會賈秦憲編輯

翰林院侍讀學士嘉定王鳴盛

李太保總督魏都史桐城方觀承同訂

直隸按察司副使元和宋宗元

參校

田獵上

蕙田案田獵之禮起於皇古傳曰古者聖人舉事必反本五穀者以奉宗廟養萬民也禽獸多則害稼穡故田獵以其承宗廟示不忘武備因為田除害也是以師之六五取象於田有禽程子以為寇賊姦宄為生民之害若禽獸入於田中侵害稼穡於義宜取則獵取之其義精矣至於順天時因地利備賓祭蒐軍實習勞懲怠辨尊明卑舉一事而眾善

皆備者此也自秦漢以下每代皆有田獵之事今折衷於周官考其沿革以類相附焉

易繫辭包犧氏作結繩而為網罟以佃以漁蓋取諸離

屯卦六三即鹿无虞惟入于林中君子幾不如舍往吝

象曰即鹿无虞以從禽也君子舍之往吝窮也

趙氏汝棣曰田者必夷其險阻虞人設驅逐之車使禽趨田然後有獲无虞不驅禽即我反從禽故曰即鹿也

師卦六五田有禽利執言无咎

何氏楷曰於師言田者古人一歲三田所以習武事也班孟堅云禽者鳥獸之總名言為人所禽制也

華氏學泉曰奉辭伐罪如言稼之禽執之有辭所謂田有禽利執言也

比卦九五顯比王用三驅失前禽邑人不誠吉

程傳先王以四時之政不可廢也故推其仁心為三

驅之禮乃禮所謂天子不合圍也成湯祝網是其義

也天子之政圍合其三面前開一路使之可去不忍

盡物好生之仁也只取其不用命者不出而反入者

也禽獸前去皆免矣故曰失前禽也王者顯明其比

道天下自然來比來者撫之固不煦煦然來比於物

若田之三驅禽之去者從而不追來者則取之也

恆卦九四田无禽

朱子曰以陽居陰久其位故為此象

解卦九二田獲三狐得黃矢貞吉

朱子曰大抵此爻為卜田之吉占

錢氏一本曰獲三狐小人狐媚之險至二而無不解得黃矢君子中直之道至二而無不行

巽卦六四悔亡田獲三品

折中曰四居高當位載績武功而田害悉去解獲三狐而此獲三品所獲者多矣

周禮春官大司馬大田之禮簡眾也

注古者因田習兵閱其中徒之數

王氏昭禹曰坐作進退不講則不知刺伐擒縱不習則不能春以振旅夏以芟舍秋以治兵冬以大閱此所以簡其能也

又曰攻闕而冒矢石人情之所不欲馳聘而逐禽獸人情之所同欲以人情之所不欲者寓于所同欲之間此人情樂爲之用而四時教戰所以皆寓于田

王氏昭禹曰田以簡眾役以任眾

禮經會元春蒐夏苗秋獮冬狩雖云農隙以講事然以四時講武使民奔走服役之不暇終身擾擾不得休息豈先王使民之政乎大抵成周致軍其於六鄉六遂之民本不盡用也雖曰田與追胥竭作必隨遠近之地而遞征之何嘗一一盡致於司徒而聽教於司馬也辨鼓鐸則有軍將師帥旅帥卒長兩司馬公司馬之屬辨號令則有羣吏百官帥家縣鄙鄉野之屬辨旗物則有諸侯羣吏帥都鄉遂郊野百官之屬四時必隨其地之遠近帥屬而遞教之矣大司馬於四時之田亦姑總其大綱言之爾如此盡舉畿內之

民而教之吾恐所田之野四表相去才三百五十步爾雖容百官且不足況六軍乎都鄙去王城五百里雖一年調發且不可況四時乎

蕙田案葉氏此條得古人馭眾之意

小宰以官府之六聯合邦治五曰田役之聯事

禮經會元成周田獵之制見於他官如大司徒則以旗致民小司徒則會卒伍以作田役鄉師則前期出田法簡其鼓鐸兵器修其卒伍州長則帥民而致之黨正則作民而治其政事族師則合其卒伍簡其兵器以鼓鐸旗物帥而至縣師則受法于司馬作其眾庶牛馬車輦會其卒伍旗鼓兵器帥而至遂人則作野民帥而至遂師則平野民縣正則用野民帥而至稍人則以縣師之法作其司徒輦輦帥而至以聽於

司馬鼓人則掌六鼓四金以正田役司常則贊司馬
頒旗物及致民置旗弊之此田獵致民之禁令見於
他官者然也山虞則萊山田之野及弊田植旗于中
致禽而珥焉澤虞則萊澤野及弊田植虞旌以屬禽
迹人則掌邦田之地爲厲禁而守之牧師則贊焚萊
獸人則時田守罟及弊田合禽注于虞中小宗伯則
帥有司而饁獸于郊遂頒禽肆師則四時田獵祭表
貉則爲位甸祝則致禽于虞中乃屬禽及郊饁獸合
奠于祖禰乃頒禽田僕則設驅逆之車小子則斬牲
左右徇陳此田獵致禽之禁令見於他官者然也成
周田政必分掌於六官之屬以其皆預田也而四時
教法則大司馬實總之是以仲春而教振旅平列陳
辨鼓鐸錡鐃之用遂以蒐田祭社仲夏而教芟舍撰

車徒讀書契辨號名之用遂以苗田以享祠中秋而
教治兵辨旗物之用遂以獮田以祀祊中冬而教大
閱則合三時之所辨者而皆辨之遂以狩田以享烝
則大司馬因講武以寓田因致禽以修祀其禮然也
蕙田案葉氏此條實所以發明田役聯事之

意

觀承案田獵之禮大矣古者寓兵於農亦卽
寓戰於獵蓋戰不可試也惟因爲田除害且
可供祭祀待賓客故教民田獵卽於此簡車
徒練軍實辨鼓旗備行陣所以教其坐作進
退之方馳驅控縱之節已無不周至而其民
惟知踴躍鼓舞以及時趨赴各有所得而反
不知其戰陣之法已熟練於平素而無不精

禮記仲尼燕居以之田獵有禮故戎事閑也
矣此古禮之妙所以使人悅而忘勞者也

陳氏禮書周官四時之田春蒐以教振旅夏苗以教
交舍秋獮以教治兵冬狩以教大閱鄉師於凡田前
期出田法於州里簡其兵器脩其卒伍山虞萊山田
之野澤虞萊澤野而大閱之禮為表百步則一表為
三表又五十步為一表田之日司馬建旗于後表之
中羣吏以旗物帥民而致質明弊旗誅後至者羣吏
聽誓於陳前教以坐作進退之節遂以狩田以旌為
左右和之門羣吏各帥其車徒以敘和出左右陳車
徒有司平之既陳乃設驅逆之車有司表貉于陳前
中軍以鞶合鼓銜枚而進獲者取左耳然則虞人所
萊之野穀梁所謂艾蘭以為防是也以旌為左右和

之門穀梁所謂置旃以為轅門以葛覆質以為繫是
也其未田也教戰於此及田則驅禽以入天子發則
抗大綏諸侯發則抗小綏諸侯發然後大夫士發置
虞於其中以致禽焉小宗伯帥有司而饁獸於郊遂
頒禽則饁獸于郊者月令所謂既田命祠祭禽四方
是也頒禽詩傳及穀梁所謂擇取三十為俎其餘以
予大夫士是也田之服則冠弁服車則木路旗則大
麾弓則夾弓庾弓矢則鏃矢殺矢其出也用牲于社
宗而載之行其止也張幕設重帟重案而於是臨誓
先王之於田宜社造廟祭馬祖繼之以饁獸于郊慎
之至也

蕙田案陳氏此條敘田獵始終儀節正記所
云有禮者也

王制無事而不田曰不敬田不以禮曰暴天物

春秋隱公五年左氏傳臧僖伯曰春蒐夏苗秋獮冬狩

皆於農隙以講事也三年而治兵入而振旅歸而飲至

以數軍實昭文章明貴賤辨等列順少長習威儀也鳥

獸之肉不登於俎皮革齒牙骨角毛羽不登於器則君

不射古之制也

疏爾雅釋四時之獵名與此同周禮大司馬職中春教振旅中夏教芟舍中秋教治兵中冬教大閱其名亦與此同桓四年公羊傳曰春曰蒐曰苗曰獮曰冬曰狩三名既與禮異又復夏時不田穀梁傳曰四時之田皆為宗廟之事也春曰田夏曰苗秋曰蒐冬曰狩皆與禮異蓋良由微言既絕曲辨妄生邱明親受聖師故獨與禮合明帝集諸學士作白虎通義因穀梁之文為之說曰王者諸侯所以田獵何為苗除害上以其宗廟下以簡集土眾也春謂之田何春者歲之本以本名而言之也夏謂之苗何擇其懷任者也秋謂之蒐何蒐索肥者也冬謂之狩何守地而取之也四時之田總名為田何田除害也案苗非懷任之名何云擇去懷任秋獸盡皆不獲何云蒐索取肥雖名通義義不通也故先儒皆依周禮謂之獵者蔡邕月令章句曰獵者提取之名也

蕙田案經傳所說四時之田異說甚多周禮

左傳四時皆田公羊注夏時不田其異一周

禮蒐苗獮狩歲歲皆行左傳治兵振旅三年

一舉其異二周禮左傳以蒐苗獮狩分春夏

秋冬公羊春苗秋蒐穀梁春田秋蒐其異三

案大宗伯言大田之禮則田者總名何故專

屬之春賈誼新書亦謂夏不田何也曰天地

陰陽盛長之時猛獸不攫鷲鳥不搏蝮蠱不

螫鳥獸蟲蛇且知應天而況人乎哉此說似

亦近理然周禮明有夏苗則亦不足據也餘

三說亦當以左傳為三

賈誼新書王者諸侯所以田獵者何也為田除害上

以供宗廟下以簡集士眾也蒐苗獮狩之禮簡戎事

也苗者毛取之蒐者搜索之狩者守留之謂之畋何

去禽獸害稼穡者故以田言之孝子已有三牲必田

狩者以為己之所養不如天地自然之牲逸豫肥美

也

劉向說苑謂之畋何聖人舉事必反本五穀者以奉宗廟養萬民也去禽獸害稼穡者故以田言之聖人作名號而事義可知也傳曰春日蒐夏日苗秋日獮冬日狩百姓皆出不失其馳不抵禽不詭遇逐不出防此蒐苗獮狩之義也故蒐苗獮狩之禮簡戎事也

右田獵名義

春秋桓公四年公羊傳春日田夏日苗秋日蒐冬日狩

蕙田案何休以公羊夏苗但去害苗而不田

穀梁傳春日田夏日苗秋日蒐冬日狩四時也四用三焉

蕙田案此即夏不田之說傳意謂有此禮而

不常用也可與月令孟夏毋大獵相發明

禮記月令季春之月田獵置罟羅網畢翳餒獸之藥毋

出九門注為鳥獸方乎乳傷之逆天時也獸罟曰置罟鳥罟曰羅網小而柄長謂之畢翳射者所以自隱也凡諸罟及毒藥禁其出九門明其常有時

不得用耳天子九門者路門也應門也雉門也庫門也皋門也城門也近郊門也遠郊門也關門也疏路門內有者不得出路門應門內有者不得出應門舉此

孟夏之月驅獸毋害五穀毋大田獵

陳氏澠曰夏獵曰苗正為驅獸之害禾苗者與三時大獵自不同

季秋之月天子乃教于田獵以習五戎班馬政注教于田獵因田獵

之禮教民以戰法也五戎謂五兵弓矢戈矛戈戟也馬政謂齊其色度其力使同乘也校人職曰凡軍事物馬而頒之

仲冬之月山林藪澤有能取蔬食田獵禽獸者野虞教

道之其有相侵奪者罪之不赦

王制獺祭魚然後虞人入澤梁豺祭獸然後田獵鳩化

為鷹然後設罝羅注取物必順時候也梁絕水取魚者罝小網也疏案月令正月獺祭魚孝經緯云獸蟄伏獺祭魚則十月中

孟夏之月田獵

七

也是順一歲再祭魚此下文鳩化為鷹草木零落交相連接則獺祭魚謂十月時魯語里革云鳥獸孕水蟲成于是乎禁直學羅網然則正月雖獺祭魚虞人不得入澤梁月令九月豺乃祭獸夏小正十月豺祭獸則是九月未十月之初豺祭獸後可以田獵鳩化為鷹者謂八月時但鳩化為鷹故月令季夏云鷹乃學習孟秋云鷹乃祭鳥其化為鷹則八月也以月令二月鷹化為鳩則八月鳩化為鷹也周禮司表云中秋獻良裘鄭司農云中秋鳩化為鷹是也設羅網者說文云尉捕鳥網也又爾雅云鳥罟為羅尉羅總是捕鳥之網

蕙田案玩此條知古人田獵重於秋冬春夏雖有其制而不備也考之經傳謂四時皆田者周禮左傳穀梁傳也謂夏不田者公羊傳何休注及春秋緯運斗樞也何休竟以夏無田獵譏穀梁為短固屬非是鄭康成則以緯書為孔子所作四時田者周制三時田者夏殷制孔子欲改周制不敢顯露陰書于緯而于春秋則仍用周制其說穿鑿而害道皆未細玩月令季春羅網毋出孟夏毋大田獵及

穀梁四用三焉之義觀王制獺祭魚云云亦專指秋冬又云天子諸侯無事則歲三田即周禮所載儀節亦惟治兵大閱特詳于振旅芟舍古聖人順天時以取物因農隙以講武春夏生長之候決不肯多殺以擾民也然四時皆有農隙而武備不可以不時肄故斟酌于四時之中而有詳畧之別焉其義精矣觀承案周禮四時皆田以四時皆有農隙則乘其隙而行之可也然王制已有天子諸侯無事則一歲三田之文蓋夏禾方盛於田獵原不甚相宜因思宣王車攻詩特標出之于苗句此與六月之詩同意蓋宣王非無事之時既盛夏興師又行夏苗之禮以習軍陣

也則平日之田不必四時皆行故周禮尤詳
大閱之禮而幽風一之日于貉二之日載纘
武功亦總在冬時然則田雖備四而行之當
酌其宜要惟秋冬為重也

右田獵時令

周禮天官獸人掌罟田獸辨其名物注罟網也以網搏所當田之獸疏名物者謂獸皆

有名號物色也案夏官四時田獵春用火夏用車秋用羅冬用徒四時各以其一為主無妨四時兼有網也

冬獻狼夏獻麋春秋獻獸物注狼膏聚麋膏散聚則溫散則涼以救時之苦也獸物凡獸皆可獻也反狐狸

疏內則狐去首狸去正者二者並地食之物

凡田獸者掌其政令

王氏曰政狩有時王制獺祭魚然後虞人入澤梁云是也取獸有法如不麝不卵不殺胎不殀天不覆巢踐毛不獻不成禽不獻是也田獵有地如東有甫草駕言行狩是也及夫辨其死生龜鼈之物當公當私之宜斷其爭禽之訟皆所謂政令也

地官迹人掌邦田之地政為之厲禁而守之注田之地若今苑也疏迹人

主迹禽獸之處有禽獸處則為苑囿以林木為藩羅使其地之人遮獲而厲守之

凡田獵者受命焉注命謂時與處也疏時謂仲春仲夏仲秋仲冬處謂山澤也其受命者謂夏官主田獵者

禮記郊特牲大羅氏天子之掌鳥獸者也諸侯之貢屬焉草笠而至尊野服也羅氏致鹿與女而詔客告也以戒諸侯曰好田好女者亡其國

蕙田案以上官守職掌

周禮天官小宰以官府之八成經邦治二曰聽師田以

簡稽注簡猶閱也稽猶計也計其土之卒伍閱其兵器為之要簡也

孟子孔子之仕于魯也魯人獵較孔子亦獵較奚獵較

也孔子先簿正祭器不以四方之食供簿正注先為簿書以正其宗廟祭祀

之器即其舊禮取備于國中不以四方珍食供其所簿正之器

蕙田案以上田獵簿錄會計

周禮春官巾車木路前樊鳴纓建大麾以田注木路不輓以革漆之而已前

讀為縹翦之翦翦淺黑也木路無龍勒以淺黑飾韋為樊鵠色飾韋為纓不言就
數節與革路同大麾不在九旗中以正色言之則黑夏后氏所建田四時田獵
疏趙商問大司馬職曰四時皆建大常今又云建大麾以田何答曰麾夏之正色
雖習戰春夏尚生其時宜入兵夏本不以兵得天下故建其正色以春田秋冬出
兵之時乃建大常

夏官田僕掌馭田路以田以鄙注田路木路也田田獵也鄙循行縣鄙疏縣鄙在六遂之中王巡

六遂縣鄙則六鄉州黨巡之可知舉遠以明近也

鄭氏鑄曰王田必乘木路者蓋木德盛於東方仁也王者之田不合圍仁也然以田以鄙或以為都鄙王者無循行縣鄙親自省耕之理然則或田于三田之地或田于縣鄙之地而已
王氏曰王行在鄙則去飾故乘木路

蕙田案木路之解以王氏去飾之說為確鄭氏東方木德之說太鑿以鄙之解以鄭氏田於縣鄙之說為確注疏解為巡行縣鄙案此官名田僕其下文所言皆是田事巡行事無據況國中及六鄉公田都鄙皆不見有巡行之文舉遠見近究曲說也

掌佐車之政注佐亦副疏少儀注云朝祀之副曰貳戎獵之副曰佐案王制云大夫殺則止佐車佐車止則百姓田獵

設驅逆之車注驅驅禽獸使前趨獲逆禽還之使不得出圍

令獲者植旌注以告獲也植樹也

禮記月令季秋之月命僕及七駟咸駕載旌旒授車注僕戎僕及御夫也七駟謂趣馬主為諸官駕說者也既駕之又為之載旌旗司馬職曰仲秋教治兵如振旅之陳辨旗物之用王載大常諸侯載旂軍吏載旗司部載旛鄉遂載物郊野載旌百官載旗是也

周禮春官司常凡軍事建旌旗及致民置旗弊之甸亦如之注始置旗以致民民至仆之誅其後至者

蕙田案以上田獵車馬旌旗

地官山虞若大田獵則萊山田之野

注萊除其草萊也疏謂大田獵謂王親行也萊山

田之野謂於防南擬教戰之處去草萊南北二百五十步東西步數未聞廣狹可容六軍三三而居一偏

地官澤虞若大田獵則萊澤野

王氏曰澤野所謂數也

蕙田案澤中之獵不見於大司馬春秋內外

傳所載如棠觀魚濫於泗淵之類又皆失禮

之事居多然地官山虞澤虞並有大田獵之

文則其事可以意會其從略者殆以周官之

時舟師未備故講武亦詳山而略澤歟

詩毛傳田者大艾草以為防或舍其中褐纏旃以為

門裘纏質以為楸楸魚列反間容握驅而入擊則不得入左

者之左右者之右然後焚而射焉

孔穎達曰田獵者必大艾殺野草以為防限作田獵

之場擬殺圍之處或復止舍其中謂未田之前誓士

戒眾故教示戰法當在其間止舍也既為防限當設

周衛而立門焉乃以織毛褐布纏通帛旃之竿以為

門之兩傍其門蓋南開並為二門用四旃四褐也又

以裘纏楛質以為門中之闌闌車軌之裏兩邊約車

輪者其門之廣狹兩軸頭去旃竿之間各容一握握

人四指為四寸是門廣於軸八寸也入此門當馳走

而人不得徐也以教戰試其能否故令驅焉若驅之

其軸頭擊著門傍旃竿則不得入也所以罰不正也

以天子六軍分為左右雖同舍防內令三軍各在一

方取左右相應其屬左者之左門屬右者之右門不

得越離部伍以此故有二門也

春秋昭公八年穀梁傳因蒐狩以習用武事禮之大者

也艾蘭以為防置旃以為轅門以葛覆質以為繫流旁

握御擊者不得入注蘭香草也防為田之大限旃旌之名周禮通帛旃轅門叩車以其轅表門質也繫門中泉葛或作渴流

禮記月令季秋之月命僕以級整設于屏外注級等次也整

屏所用之地門外之蔽疏戎僕等以馬駕車又載旌旄既畢以其尊卑等級正其行列設于軍門之外東西兩廂以為行陣于是司徒在兩行之間北面誓之或者案詩傳云謁纏旃以為門驅而入禁則不得入既門外驅車則不得有屏此內外之屏者蓋車入之時則去屏無事之時則設屏也

周禮天官幕人凡田役其其帷幕幄帟綬注共之者掌

掌次師田則張幕設重帟重案注不張幄者于臨蕙田案田獵之前必先治其止舍之處以為防限是以山虞澤虞既已先期芟除草萊而

臨時則又有戎僕等為之設其轅門正其行列然後掌次幕人等其其幄帟而規制周密矣若毛詩傳疏所言即今之圍場也穀梁月令及周禮天官所言即今之帳房也考史記五帝本紀黃帝以師兵為營衛遷徙無常處此即古者營盤壘砦之遺制蓋其所從來者遠矣

又案月令以級整設於屏外雖專為季秋言之然車攻之詩云之子于苗本為夏狩而毛鄭亦以艾蘭為防之說解之則知此制固通于四時也

又案以上田獵場地陳設

禮記月令季秋之月司徒摺扑北面誓之注誓眾以軍法也疏司徒職云施十有

二教八日以誓教恤則民不怠誓民誓以犯田法之誓也誓曰無下車無自後射案于經注則司徒主誓今田獵出軍亦于所獵之地而指北而誓之也指插也

蕙田案以上田獵之前誓眾

周禮春官司凡筵甸役則設熊席右漆几注謂王甸有司祭表貉所設席

陳氏曰大田簡眾大役任眾灌之不可以無威故席以熊皮設之或曰右几武事尚右也

蕙田案以上田獵几席

司服凡甸冠弁服注甸田獵也冠弁委視其服緇布衣亦積素以為裳諸侯以為視朝之服疏上冠禮及郊特牲皆曰委視周

道鄭注士冠云委猶安也言所以安正容貌故云委視若以色言則曰元冠也云其服緇布衣亦積素以為裳者士冠禮云主人元冠朝服緇布衣亦積素以為裳也言凡甸冠弁服據習兵之時若正四時則常戎服是以月令季秋天子乃教於田獵以習五戎司徒指北而誓之天子乃厲節執弓矢以獵注云厲節謂戎服尚威武也以此觀之習五戎司徒誓之不戎服著冠弁可知

王氏應麟曰兵事韋弁服眠朝則皮弁服甸則冠弁服左傳衛獻公不釋皮冠則皮弁韋弁同但色異耳是正田用韋弁也援神契云皮弁素積軍旅也軍士之服通皆韋皮坊記注云在軍同服左傳均服振振

蕙田案以上田獵冠服

夏官司弓矢夾弓庾弓以授射鳥獸者注往體多來體寡曰夾庾射鳥獸近射也近射

凡矢殺矢鏃矢用諸近射田獵矰矢箝矢用諸弋射注

弓所用也鏃弩所用也殺矢言中則死矰矢象鳥鏃之言候也二者皆可以射禽獸前尤重中深而不可遠也結繳于矢謂之矰矰高也箝矢象馬箝之言制也二者皆可以弋飛鳥制羅之也前于重又微輕行不低也

蕙田案以上田獵弓矢

又案田獵所用之器物非先時而為之備則事不濟以上所列皆豫備事也先車馬旌旗次場地者月令七騶咸駕然後及整設車馬旌旗田獵之所首重無此則不能立止舍之處也場地之下即次誓眾者月令疏整設屏外司徒誓眾於其中故也自是而几席冠服

弓矢至鼓鐸車旗器物則錯見於鄉師以下
徵發諸條其先後條理可以意會也詩我車
既攻田車既好詠車也我馬既同四牡麗麗
四黃既駕兩驂不倚詠馬也建旄設旄悠悠
旆旌詠旌旌也決拾既伏弓矢既調詠兵器
也車攻吉日二篇之所陳蓋畧備矣

天官獸人時田則守罟

注守謂備獸罟也
罟時田謂四時田獵

右田獵官司戒具

周禮地官大司徒大田役以旗致萬民而治其徒庶之

政令

注庶畫熊虎者也徵眾刻日樹旗期民於其下
疏凡軍旅田獵所用民徒先起六鄉之眾

史氏曰軍旅所以用眾大田所以簡眾眾之所
聚政令行焉不有旗表其觀視何所趨向哉
易氏被曰大司徒以旗致民致之于比閭族黨州鄉
之聯也大司馬以旌致民致之于平列陳之際也

鄉師凡四時之田前期出田濩于州里簡其鼓鐸旗物

兵器修其卒伍

注田濩入徒
及所當有

魏氏校曰簡者豫為開計修者豫
為配當古之勇好以整又好以暇

及期以司徒之大旗致眾庶而陳之以旗物辨鄉邑而

治其政令刑禁巡其前後之屯而戮其犯命者斷其爭

禽之訟

注司徒致眾庶者以熊虎之旗陳之以旗物以表正其行列
疏鄉師
之民皆在焉各
分別為陣也

黃氏度曰鄉師致眾庶各致其鄉之民也將田先
閱于其鄉而以司徒之旗致之使知有所統也
高氏愈曰古者因田以講武
其事至重故鄉師特主治之

州長若國作民而師田行役之事則帥而致之掌其戒

令與其賞罰

注致之致之于司徒也掌其戒令賞罰
則在于軍因為師帥
疏田謂田獵

黃氏度曰六鄉之軍聽于王主于司徒平居常自為六軍之教故六鄉徵發則
稱國言有天子之命也獨見之于州長州長承其命也帥而致之軍旅致之于
小司徒役致之于鄉師小司徒鄉
師各以其事帥之而致于大司徒

黨正凡作民而師田行役則以其灋治其政事

注亦於軍
因為旅帥

五禮通考卷三百三十三田獵

右

鄭氏鑄曰師田行役眾庶所聚非致嚴以馭之不可也

族師若作民而師田行役則合其卒伍簡其兵器以鼓鐸旗物帥而至掌其治令戒禁刑罰注亦於軍因為卒長疏

以致于司徒也

鄭氏鑄曰一旅之眾居則有比閭之聯而卒伍猶未之合有耒耜之用而兵器或未之精至于作之而師田行役族師遂為一卒之長欲其師行之有統則必合為卒伍欲其攻戰之必勝則必簡其兵器合則使之聯而不散簡則使之精而無蔽又用鼓鐸旗物率之至于師田行役之所猶恐其不肅復掌其治令戒禁刑罰孰敢不率哉

縣師若將有軍旅田役之戒則受灋于司馬以作其眾庶及馬牛車輦會其車人之卒伍使皆備旗鼓兵器以帥而至注受灋於司馬者知所當徵眾寡

黃氏度曰司馬主兵其命不得直行必有縣師關節此先王微意兵皆民也發民為兵而主兵之官不應全不知故使其屬行司馬之法作起也起其眾庶馬牛車輦而後會其車人卒伍那國都鄙卒伍鄉法雖素定而車人不相須旬稍縣都野法車人相須而縣鄙居民未嘗為卒伍故於此皆以司馬之法會之五人為伍百人為卒離則皆伍聯則皆什百人為卒鄉為四閭野為四里車徒異部多少稱事

逐人若起野役則令各帥其所治之民而至以遂之大旗致之其不用命者誅之注遂謂師田遂之大旗熊虎疏令各帥其所治之民而至者謂令縣正以下逐人遂大夫合用鳥隼之旗致眾令逐人掌眾與大司徒同故致眾得用熊虎為旗也

凡事致野役而師田作野民帥而至掌其政治禁令鄭氏鑄曰國有功役之事又有師田之事功役則用當役之人師田則眾民竭作故於事言野役於師田言野民當役之人則致之使自至眾力竭作則其事大有以作而起之遂人帥而至掌政治禁令以齊一之則眾雖繁不亂矣

遂師軍旅田獵平野民掌其禁令比敘其事而賞罰注謂正其行列部伍也鄭司農云比讀為庇疏野民謂六遂之民比敘者校比次敘其行伍而行賞罰周禮云比者後鄭皆為校比先鄭皆為庇庇為具得通一義故引之在下也

魏氏校曰未至師遂師先以軍法部署而行賞罰帥而至則賞罰一聽於大司馬及大司徒

縣正若將用野民師田行役移執事則帥而至治其政令注移執事移用其民鄭司農云謂轉相佐助

稍人若有師田之事則以縣師之法作其同徒董輦帥注董輦帥謂轉相佐助

而以至治其政令以聽於司馬

注有軍旅田役之成縣師受禮于司馬

所謂以其法作其眾庶及馬牛車輦會其車人之卒伍使皆備旗鼓兵器以帥而

至是以書令之耳其所調若在家邑小都大都則稍人用縣師所受司馬之法作

之帥之以致於司馬也同徒司馬所調之同凡用役者不必一時皆備以人數調

之使勞逸遞焉疏稱人屬縣師縣師屬大司馬大司馬得王進止縣師即受法

於司馬縣師既得法稍人又受法于縣師故云以縣師之法

作其同徒也既作同徒乃致與大司馬故云以聽于司馬也

蕙田案起徒役之事惟田與追胥竭作則是

田獵起徒較他事獨眾凡經文師田連言者

今於出師門內不復分析兩載總入田獵內

可以互見云

又案六鄉之鄉師州長族師黨正等官六遂

之逐人遂師縣正等官皆平日治民之官也

及其有師田之事則凡起徒致民之政令皆

以屬之遞相統率以致於大司徒因以屬于

大司馬惟比長閭師鄰長里宰鄮長鄙師諸

官所轄者少故不復詳但於閭胥云凡春秋

之役政聚眾庶則讀法鄙師云凡作民則掌

其戒令鄮長云若作其民而用之則以旗鼓

兵革帥而至里宰云掌比其邑之兵器以待

有司之政令如是而已

又案出師之制先發六鄉為六軍次發六遂

郊里之地域則是從六鄉以外及於邦國無不統轄又遂人掌邦之野鄭云此野為甸稍縣都則遂人於畿內亦無不統轄遂師云經牧其田野疏遂人兼掌采地采地有井田法故此經云經牧其田野則遂師於畿內亦無不統轄其各條內所言師田蓋連稍縣豈亦并包在內此皆經外之意可以推而知也

國語周語王治農於藉摻於農隙耨穫亦於藉獮於既烝狩於畢時是皆習民數者也

周禮春官小宗伯凡王之甸役之禱祠肆儀為位注肆習也為位

肆師凡四時之大甸獵祭表貉則為位注貉師祭也於所立表之處為師祭造軍法者

甸祝掌四時之田表貉之祝號注杜子春云貉兵祭也爾雅曰是類是禱師祭也元謂田者習丘之

禮故亦禱祭禱氣勢之什百而多獲

詩小雅吉日吉日維戊既伯既禱傳伯馬祖也重物慎微將用馬力必先為之禱其祖禱禱也

疏言王以吉善之日維戊也於馬祖之伯既祭之求禱矣以田祖謂之伯伯者長也鄭云馬祖天駟釋天云天駟房也孫炎曰龍為天馬故房四星謂之天駟鄭亦引孝經說曰房為龍馬者是也

何氏楷曰既伯既禱田祭也伯通作貉亦作貉鄭司

農讀為禱王制禱於所征之地孔叢子云己克敵使

擇吉日復禱於所征之地鄭元云禱師祭也為兵禱

其禮亡其田獵之祭則名之為貉周禮蒐苗獮狩有

司皆表貉於陳前鄭注謂貉讀為千百之百於立表

處為師祭祭造軍法者其神蓋蚩尤或曰黃帝杜子

春讀亦同云貉兵祭也田以講武治兵故有兵祭禱

禱氣勢之倍增也其神蓋蚩尤或曰黃帝

小宗伯主其位

氣勢之十百而多獲邢昺云貉之言百祭祀此神求
獲百倍也愚案貉猶本是一字以百解猶無乃強解
讀貉為百亦未必然又有言祭貉以導獸者要皆附
會以愚意揣之政繇古人讀貉與禡同音遂訛禡為
貉耳禡祭名也故字從元其意馬諧聲義必有取或
殺馬為牲或以馬者國之大事克敵必藉焉故為馬
祈福亦未可知師田皆行軍之事其同有禡祭焉宜
也觀說文既伯作既禡可證今韻會中伯字亦有禡
音蓋繇伯猶相訛而然無足疑者此既伯即田獵之
日表貉之祭也毛傳以伯為馬祖案周禮校人職云
春祭馬祖鄭以為天駟天駟房也晉天文志云天駟
為天馬主軍駕南星曰左驂次左服次右服次右驂
亦曰天廐孔云馬與人異無先祖可尋故取孝經說

房為龍馬是馬之祖一云行神四時之祭各有所為
未聞田獵有馬祖之祭亦從未聞馬祖有伯之稱也
祖者始也伯者長也二義懸殊何得以伯當祖乎祈
福曰禱毛以為禱獲是也戰必禱克田必禱獲說文
作禱云禱牲馬祭也案禱牲馬祭分為二事周禮甸
祝職云禱牲調馬皆掌其祝號杜子春注云為田禱
多獲禽牲為馬禱無疾觀此禱牲即貉祭所禱禱馬
即校人四時之祭所禱皆名為禱也此詩既伯既禱
乃甸祝所職也爾雅以為馬祭似誤以禱牲為禱馬
耳

周禮春官肆師舍奠于祖廟禴亦如之

注舍讀為釋釋奠者告將時田若將征伐鄭司

農云禴父廟疏

王氏曰舍奠有牲而無尸所謂造於祖也

鄭氏鐔曰將出田必行釋奠之禮以告千廟乃載遷廟之主以行其載以祠為主故舍奠丁祖廟廟則但祭而不載亦如之謂舍奠也

右田獵祭祀

夏官大司馬中春教振旅

謂棄之兵者凶事不可空設因蒐狩而習

之凡師出曰治兵人曰振旅皆習戰也四時各教民以其一焉春習振旅兵人收眾專于農 疏爾雅云出為治兵尚威武也入為振旅反尊卑也反尊卑者出則壯者在前老弱在後入則壯者在後老弱在前

孔氏穎達曰春教振旅者以陽氣方長兵宜止息也黃氏度曰四時之田先教振旅王者之兵出於萬全

司馬以旗致民平列陳如戰之陳

其下疏能虎之旗

鄭氏鐔曰司徒於大軍旅大田役以旗致六鄉之民遂人於起野役以遂之大旗致六遂之民民之目熟於能虎之狀人矣及是時鄉遂之官致之而來司馬習熟者使之易知耳

王氏昭禹曰田獵所習無非軍事故平列陳如戰之陳平者高下如一之謂雖如戰之陳而平列陳則無事於戰矣

辨鼓鐸鐃之用王執路鼓諸侯執賁鼓軍將執晉鼓師帥執提旅帥執鞀卒長執鐃兩司馬執鐸公司馬執

鐃鐃通鼓以金鐃節鼓鄭司農云提謂馬上鼓有曲木提持鼓立馬髦上者故謂之提杜子春云公司馬謂五人為伍伍之司馬也

鄭氏鐔曰春陽用事雷始出地於卦為震而鞀人冒鼓必于起鞀之日教以此時從其類也軍將者卿大夫各為一軍之將提使師帥執之者五百人之眾左提右挈在掌握之意旅帥視師帥為卑故執鞀鼓之小而卑者也百人之卒長知其當止則止故使執鐃兩司馬知其當進則進故使執鐃以通鼓五人之長曰公司馬軍制自五人始人之尊不能節制則眾皆無節故使執鐃以節鼓其職至卑其名乃同於司馬欲重其權以服人也黃氏度曰有節制而後能勝金鼓所以節制也改於教振旅辨之王雖親征六卿分將而元帥居乎其中

蕙田案王不執鼗鼓而執路鼓者鄭康成謂尚之於諸侯也鄭剛中亦謂王道之大無所不通以道統眾不必自執軍中之事諸侯從王欲使軍將以下皆聽命故尚之於諸侯今考鼓人職軍事宜執鼗鼓而路鼓非軍事所宜用但以其有四面象人君聲教當四達無間而已則侯之執鼗非所以尊尚之而使眾

聽命也王志長謂諸侯入朝佐王田獵不敢以桴鼓之事上煩天子故代王執鼗鼓以鼓軍事此說得之

又案賁鼗古字通用蔡氏宸錫欲改賁為鼗亦不必

以教坐作進退疾徐疏數之節

注習戰法疏數之節大具言於此畧說李氏嘉會曰兵事宜尚威武敏捷必以進退疾徐疏數教民者觀武王伐商六步七步乃止齊焉兵在於結陣之固進退之齊武侯八陣進則皆進止則皆止所以不可破齊之技擊魏之武卒秦之銳士終不可以當桓文之節制者由此而已

蕙田案坐作進退等皆戰之事四時之田雖皆為教戰而設然所專於戰者秋之大閱耳餘春夏從略而春教振旅主於藏兵不用則尤略之賈疏最得經意

遂以蒐田有司表貉誓民鼓遂圍禁火弊獸禽以祭社

注春田曰蒐有司大司徒也掌大田役治徒庶之政令表貉立表而貉祭也而圍之遂蒐田火弊火止也春田主用火因焚萊除陳草皆殺而火止獸猶致也屬也田止虞人植旌眾皆獻其所獲禽焉詩云言私其獫獻于公春田主祭社者土方施生也疏蒐搜也春時鳥獸字乳搜取不孕者誓曰無干車云云此據漢田律而言無干車謂無干犯他車無自後射象戰陣不逐奔走誓民即大閱章史聽誓於陣前鼓者即中軍以鼗令鼓鼓入三鼓以下此祭社因田獵而祭非月令仲春祭社也鄭氏謂曰雖教之有素一旦出田野臨于戈安得不三令五申之此司馬所以誓之也又曰月令仲春之月毋焚山林大司馬乃用火田者蓋春而焚萊將以田也春而焚山林傷生意也所以有無焚之令

蕙田案有司表貉鄭康成謂大司徒鄭剛中以為肆師甸祝王平仲刪翼載王氏說亦以為甸祝考肆師大田獵祭表貉則為位甸祝掌四時之田表貉之祝號若大司徒總率鄉遂諸官恐不必以表貉事屬之當以剛中及王氏說為正

春官肆師凡師甸用牲于社宗則為位

孔氏穎達曰春時四方施生獵則祭社為主

社軍社宗遷主也疏肆師為位祭也

蕙田案表貉之祭四時田獵之所同也社宗之祭春蒐之所獨也

春秋昭公八年穀梁傳因蒐狩以習武事車軌塵馬候蹄揜禽旅御者不失其馳然後射者能中

應遲疾相投揜禽旅揜取眾禽不失其馳不失馳騁之節

注車軌塵塵不出轍馬候蹄發足相

蕙田案此田獵命中之法蒐狩並稱故附于此

右春蒐

周禮夏官大司馬中夏教芟舍如振旅之陳

注芟舍草止之也軍有草止之法

法疏草字釋芟止字釋舍

孔氏穎達曰夏教芟舍者以草木茂盛故教以草舍

鄭氏謂曰詩曰召伯所芟又左傳言晉大夫芟舍從之凡言芟者皆草也教芟舍者教以草止之法軍行而草止未有營壘之所草止之地防患尤嚴防患之道夜事尤急教之無素則足以厭敵矣教芟舍獨于中夏以月令考之孟春草木萌動季春生氣方盛惟夏之時生於春者至是益長長于春者至是益茂軍屯其中患生不虞又况莫夜之時

羣吏撰車徒讀書契

注撰讀曰算算車徒謂數擇之也讀書契以簿書校錄軍實之凡要疏羣吏謂軍將至伍長各有

部分皆選擇其甲士步卒之等

蕙田案康成以撰為數擇書契為簿錄即師田以簡稽也天官小宰言之蓋在平日大司馬則在臨期彼此互見耳

辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事

注號名者徽識所以

相別也鄉遂之屬謂之名家之屬謂之號百官之屬謂之事在國以表朝位在軍又象其制而為之被之以備死事帥謂軍將及帥帥旅帥及伍長也以門名者所被徽識如其在門所樹者也古者軍將蓋為營治于國門魯有東門襄仲宋有桐門右師皆上卿為軍將者也縣鄙謂縣正鄙帥至鄰長也家謂食采地者之臣也鄉以州名亦謂州長至比長也野謂公邑大夫百官以其職從王者也此六者皆書云某某之名某某之號某某之事而已夜事戒夜守之事草止者慎于夜於是

王別其

黃氏度曰號名為夜事今軍夜有號康成以為徽識

被之以備死事夫徽識綴于膊上夜事將何以辨
鄭氏鈔曰帥為六軍之帥公邑謂田謂之縣小都謂之鄙大夫謂之家鄉謂六
鄉野六遂也或以門或以號或以邑或各以其名皆有一定之稱為主將者名
號若武為卒伍者從而稱之耳聞而心知存而意屬莫夜之間亦識明從矣
帥以門名蓋門者人之所由以出入帥者人之所由以進退取象猶門也縣與
鄙一為天子之吏一為公卿王子弟故各以其名所以別異其為某縣某鄙之
人大夫用號者則為美稱也鄭謂公卿大夫其身至朝其臣在采地若公山弗
履之類是以家號為名也六鄉有六州長鄉之軍法至州而成故以其州之名
名之言某州之師也六遂於鄰長言邑中之政於里幸言掌比其邑之眾寡於
遂大夫言凡為邑者此六遂
為邑之證也故言某邑之師
王氏與之曰芟舍之教乃下寨法專以辨軍之夜事蓋休兵偃師之時宿火而
寢目固無見也街故而處耳固無聞也將以鼓鐸而聲之則所聞必亂將以旗
物而徵之則所見必昧於是專以號名為尚而號名又必外假者所以防姦細
及間諜等事先儒不知夜事與夜戰不同多以管仲內政之作使之晝戰目相
視夜戰聲相聞引證司馬夜事在於休
兵管仲夜戰所以用兵豈可同日語

蕙田案康成謂號名為徽識以備死事說太
迂遠但黃氏即以號名為夜事則非也夜事
仍當為戒夜守之事方與芟舍義合次點王

氏下寨之說得其旨矣

又案帥縣鄙家鄉野等名鄭剛申說與康成
注有異今考康成說則以縣鄙為六遂之長
家為三等采地之長鄉為六鄉之長野為四
處公邑之長而帥則六軍之帥統之者也其
說整齊該括剛中以縣屬公邑又添閑田已
覺支離又以鄙屬小都則三等采地僅舉其
一豈不挂漏家為大夫亦與遂大夫鄉大夫
相混不如康成說之確矣
又案州長黨正等名據平日治民而言軍將
帥帥伍長等名據出師臨陣而言其實一也
然則帥以門名已統縣鄙等項在內辨號名
也者如欲稱帥則以門欲稱縣鄙則各以其

凡行左青龍而右白虎前朱雀而後元武謂此四者然軍法正成于鄉遂而鄉遂大夫乃不預四旗之列而載物者說者謂其象已屬于軍吏已無所將故也凡旗皆謂之載者言載之于車上也既有旌旗又有小徽識之上各書其事與號以爲別識也司常謂之畫比謂之書王安石謂書詳於畫既書又畫使人易辨而已余以爲司常指大閱而言此指治兵而言大閱畫治兵書各有所主不一法也

蕙田案仲春之師帥旅帥卒長兩司馬公馬即仲夏之縣鄙家鄉野也而此諸官亦即仲春之所謂軍帥仲夏之所謂帥也仲春不言百官則有詳略之異耳由今思之大司馬言四時之制則自鄉遂以達於采地宜悉舉之詎有諸侯從獵之制咸在而反遺於畿內者仲秋治兵尤重於春夏則官當尤備鄭康成以軍吏爲諸軍帥是矣而以師都爲遂大夫以鄉遂爲鄉大夫郊爲州長縣正以下野爲公邑大夫其中尚缺采地則不得以百

官爲卿大夫試思仲夏之百官既解爲各以其職從王者至仲秋之百官而忽異其解已屬不確况夏苗猶備百官豈秋獮獨無之乎竊以康成之言未是惟鄭剛中之辨最爲精確蓋剛中據司常大閱之文以軍吏爲即大閱之孤卿與芟舍之帥以百官爲即大閱之大夫士與芟舍之百官以師都爲即大閱之師都與芟舍之縣鄙以鄉遂爲即大閱之州里縣鄙與芟舍之鄉及野以郊野爲公邑閑田之吏與鄉遂之郊野異如此則整齊包括處處皆通矣其辨芟舍之縣鄙與司常之縣鄙名同而實異尤精

王氏應電曰案司常王建大嘗諸侯建旂正與此同此外所載皆異夫司常于國之大閱贊司馬頒旗物則凡祭祀賓客會同軍旅並當以之爲準惟安嘗出

戰則旗法與此不同若其初至不當又有所更置蓋
旌旗以一人之耳目豈得數易以亂之此蓋誤文也

蕙田案王昭明以旗旛等有誤文蔡宸錫亦
謂此節旗旛物旛四字顛倒誤寫旗當為旛
旛當為旗物當為旛旛當為物宜以司常職
之文為定此說精確當從之

遂以獮田如薙之法羅弊致禽以祀祊

注秋田為獮獮殺也羅弊罔止也秋田主用罔

中殺者多也皆殺而罔止訪當為方聲之誤也秋田主祭四方報成萬物詩曰以社以方疏鄭以祊為誤者祊是廟門之外惟祭宗廟及繹祭乃為祊祭今因秋田而祭當是四方之神

鄭氏鏗曰秋氣肅殺故田以殺為主

王氏昭禹曰以物成于秋所取者眾故也王制曰鳴化為鷹然後設罝羅則秋用羅宜矣

又曰春物始生故為民祈而祭社秋物既成故為民報而祀祊

春官肆師獮之日涖卜來歲之戒

注秋田為獮始習兵戒不虞也卜者問來歲兵寇之備

鄭氏鏗曰君子除戎器戒不虞故知戒為禁備之事

陳氏陽曰先王之時必預戒來歲之戒者欲先事為備也春秋時鄭石渠言於子襄曰先王卜征五年而歲習其祥祥習則行不習則增修德而改卜則是卜不吉必修德而豫戒然後為治世之事

蕙田案書卜三龜一習吉又朕夢協朕卜襲

于休祥即傳所云祥習則行也

又案涖卜來歲於秋獮而春夏冬不卜者秋

狩則專於治兵也

禮記月令季秋之月天子乃厲節執弓挾矢以獵

注厲節謂戎服

尚威武也疏厲節謂嚴武猛節謂容節也熊氏云戎服者韋弁服也以秋冬之田故韋弁服者春夏則冠弁服故司服云凡甸冠弁服義或然也

陳氏祥道曰周官司服凡田冠弁服月令季秋天子乃厲節蓋周秦之禮異也

命主祠祭禽于四方

注以所獲禽祀四方之神也司馬職曰羅弊致禽以祀祊疏謂獵竟也主祠謂典祭祀者也四方

有功于方之神也四時田獵皆祭宗廟而分時各以為主也此天子獵既畢因命典祀之官取田獵所獲之禽還祭于郊以報四方之神也鄭注秋獮祀方云秋田主祭四方報成萬物詩曰以社以方下云方迎四方氣於郊也鄭又云秋祭社與四方為五穀成孰報其功也

右秋獮

周禮夏官大司馬中冬教大閱注春辨鼓鐸夏辨號名秋辨旗物至冬大閱簡軍實

孔氏穎達曰冬教大閱者以冬明無事備習威儀故因其田獵教以簡閱也王氏詳說春辨鼓鐸鐃之用夏辨號名之用秋辨旗物之用至冬則戒眾庶修戰法而及於旗物鼓鐸鐃鐃之辨鼓鐸者未始無旗物所謂以旌政民是也辨旗物者未始無號名所謂各書其事與其號也三時之田各以其所辨者為主耳

前期羣吏戒眾庶修戰法注羣吏鄉師以下疏鄉師四時之田前期出田法於州里簡其鼓鐸旗物兵器修

其卒伍以下則若州長作民而師田行役之事則帥而致之掌其戒令與其賞罰黨正凡國作民而師田行役則以其法治其政事族師若作民而師田行役則合其卒伍簡其兵器以鼓鐸旗物帥而至

虞人萊所田之野為表百步則一為三表又五十步為

一表注虞人萊所田之野爰除其草萊台車得驅馳詩曰田卒污萊易氏被曰表以步度之步長六尺百步則一為三表是三表相去二百步又五十步為一表則四表為二百五十步矣大閱必用四表所以寓王者節制之師而大武之四表實象之蓋周都西南一表在南所謂武始而北出夾振之而四表在北所謂四成而南國是疆復亂以飭歸則有鼓退鳴鑼日卻之義慙三表二表而復于一表則樂終而德尊者也大閱亦然賈氏乃謂後表在北士卒由後表以至南表復回身向北以至後表與樂記之言不合樂記言大武則周家一代萬兵之良法當以樂記為正或謂三表相距各百步每表各六十丈何

田之日司馬建旗于後表之中羣吏以旗物鼓鐸鐃

以容大閱之眾若以開方論其勢誠若據處人萊所田之野則週野左右何有紀極鄭氏謂左右之廣當容三軍此指一旁而言若左右兩旁當容六軍又云步數未聞則六軍分行左右開張取其容六軍之眾不以步數拘也如此則地勢廣袤豈止容六軍而已

各帥其民而致質明弊旗誅後至者乃陳車徒如戰之

陳皆坐注質正也弊什也皆坐當聽誓李氏嘉會曰四表止于二百五十步坐作進退步行趨驟為力不勞軌範易習民之左右顧瞻皆其鄉黨鄰里自然情親勢一敵不可乘此古人結陳堅固也易氏被曰及田之日司馬建旗于後表之中據樂記舞而前其民而致于大司馬

羣吏聽誓於陳前斬牲以左右徇陳曰不用命者斬之

羣吏聽誓於陳前斬牲以左右徇陳曰不用命者斬之注羣吏諸軍帥也陳前南面鄉表也月令季秋司徒摺扑北面誓之疏使司徒誓者此軍吏及士本是六鄉之民今離屬司馬猶是已之民故使司徒誓之也易氏被曰眾庶已集命之皆坐于南之一表羣吏聽誓則自軍帥而下皆南面而表誓于陳前鄭氏鑄曰坐而聽誓斬牲以徇所謂三令五申也今見于司馬法曰夏后氏誓于軍中欲民先其慮也商誓于軍門之外欲民先意以待事也周將交刃而誓誓而羣吏聽之則傳達于所統之眾簡而易知無敢不從矣

中軍以鞶合鼓鼓人皆三鼓司馬振鐸羣吏作旗車徒皆作鼓行鳴鑼車徒皆行及表乃止三鼓攬鐸羣吏弊

旗車徒皆坐注中軍中軍之將也天子六軍三三而居一偏羣吏既聽善各復其部曲中軍之將合鼓以作士氣之氣也鼓人者中軍之將帥帥也司馬兩司馬也鼓鐸以作眾作起也既起鼓人擊鼓以行之伍長鳴鑼以節之及表自後表前至第二表也三鼓者鼓人也掩上振之為攬攬者止行息氣也

又三鼓振鐸作旗車徒皆作鼓進鳴鑼車驟徒趨及表

乃止坐作如初注趨者赴敵向疾之漸也春秋傳曰先人有奪人之心

乃鼓車馳徒走及表乃止注及表自第一三前至前表

鼓戒三闕車三發徒三刺注鼓戒戒功敵鼓一闕車一轉徒一刺三而止象服敵

鄭氏謂曰每鼓一闕則車一發而徒一刺至三而止是謂節制之兵三發即書所謂不愆于六步七步乃止齊焉三刺即書所謂不愆於四伐六伐七伐乃止之意

乃鼓退鳴鑼且卻及表乃止坐作如初注繞所以止鼓軍退卒長鳴鑼以和眾鼓人為

止之也退自前表至後表鼓鐸則同習戰之禮出入也與者廢鑼而鳴鑼

遂以狩出以旌為左右利之門羣吏各帥其車徒以敘

和出左右陳車徒有司平之旗居卒間以分地前後有屯百步有司巡其前後注冬田為狩言守取之無所擇也軍門曰和今謂之壘門立兩旗以為之敘和出用次第出和

門也左右或出而左或出而右有司平之鄉師居門正其出入之行列也旗車吏所載分地調其部曲疎數前後有屯百步車徒與羣相去之數也車徒畢出和門

鄉師又巡其行陣疏軍門曰和者左氏傳云師克在和不在眾立兩旗者昭八年穀梁傳云秋蒐于紅正也又云刈蘭以為防置旌以為轅門是其車也車徒異

羣者出軍之時一車甲士三人步卒七十二人車徒同羣臨陣則車徒異羣故車人有異

險野人為主易野車為主注險野人為主人居前易野車為主車居前

禮庫曰先王車戰不求大勝求為不可敗而已鄭莊

欲驅馳中原始為微利之名故鄭莊始用徒兵自中

行穆子乃毀車以從卒自左師展始乘馬自趙武靈

王始用騎先王兵制敗壞而不可復實自莊公始

既陳乃設驅逆之車有司表貉於陳前

鄭氏謂曰驅則自後驅之使出逆則自前迎之使人驅其後則無所逃逆其前雖欲出防而不可得

中軍以鞶合鼓鼓人皆三鼓羣司馬振鐸車徒皆作遂

鼓行徒銜枚而進大獸公之小禽私之獲者取左耳

司馬謂兩司馬也枚如音銜之有結項中軍法止語為相疑惑也鄭司農云大獸公之輸之于公小獸私之以自界也詩云言私其縱獻于公一歲為縱二歲為犯三歲為特四歲為狝五歲為慎元謂慎讀為慶爾雅曰豕生

三日豨豕牝曰肥羴牝曰農獲得也得禽獸者取左耳當以計功

易氏被曰中軍以擊令鼓故人皆三鼓如習戰之時則師田之法一焉

及所弊鼓皆馘車徒皆課

注鄭司農云及所弊至所弊之處元謂至常至其常處吏士鼓噪

象攻敵尅勝而喜也

徒乃弊致禽饁獸於郊入獻禽以享烝

注徒乃弊徒止也冬用致禽饁獸于郊聚所獲禽因以祭四方神于郊月令季

秋天子既田主祠祭禽四方是也入又以禽祭宗廟

蕙田案月令季秋祭四方正義謂秋時萬物

以成獵則以報祭社及四方為主也乃司馬

冬狩云致禽饁獸于郊入獻禽以享烝鄭云

致禽饁獸于郊聚所獲禽因以祭四方神于

郊也月令季秋天子既田命主祠祭四方是

也入又以禽祭宗廟鄭借季秋之禮以釋冬

狩之義者蓋秋祭雖以四方為主亦兼祭社

冬祭雖以宗廟為主亦兼四方故互相證之

耳

黃氏度曰徒取禽車列陳不動

極戰亦然至此徒止遂獻禽

易氏被曰春社夏禘秋祈不言入獻禽而冬烝獨言之者以外行致禽饁郊之禮然後獻禽于宗廟故謂之人

鄭氏謂曰此戰勝而歸獻捷于廟社之意也郊言饁獸承言獻禽豈用大于郊而用小于廟別而言之則禽獸有大小之殊合而言之獸亦可謂之禽也

右冬狩

天官獸人及弊田令禽注于虞中

注弊也什而田止鄭司農云弊田謂春火弊夏車弊秋羅弊

冬徒弊虞中謂虞人業所田之野及弊田補虞旗于其中致禽而珥焉獸人主台田眾得禽者置虞人所立虞旗之中當以給四時社廟之祭故曰春獻禽以祭社

田眾得禽者置虞人所立虞旗之中當以給四時社廟之祭故曰春獻禽以祭社

田眾得禽者置虞人所立虞旗之中當以給四時社廟之祭故曰春獻禽以祭社

田眾得禽者置虞人所立虞旗之中當以給四時社廟之祭故曰春獻禽以祭社

田眾得禽者置虞人所立虞旗之中當以給四時社廟之祭故曰春獻禽以祭社

田眾得禽者置虞人所立虞旗之中當以給四時社廟之祭故曰春獻禽以祭社

夏獻禽以享諭秋獻禽以祀助冬獻禽以享蒸又曰大獸公之小禽私之公之謂輸之于虞中珥焉者取左耳以致功若斬首折敵故春秋傳曰以數軍實疏注猶聚也

春官甸祝師甸致禽于虞中乃屬禽注師甸謂起大眾以田也致禽于虞中使獲者各以其禽來致于所表之處屬禽別其種類疏獵

鄭氏鑄曰田畢虞人植旌旗于所表之處令獲者各致禽其中甸祝則禽而屬之使禽獸以類相從也

地官山虞及弊田植虞旗于中致禽而珥焉注弊田田者止也植猶樹也田止樹旗令獲者皆致其禽而較其耳以知獲數也山虞有旗以其主山得畫熊虎其初數則短也鄭司農云珥者取禽左耳以効功也大司馬職曰獲者取左耳述禮緯旌旗之杠天子九仞諸侯七仞大夫五仞士三仞山虞是士雖有熊虎為旗初數則短宜三仞

易氏祓曰弊田植旗獸人所謂令禽注于虞中是已致禽而珥之如小子珥于社稷之類田畢而祭也鄭氏謂珥當為珥取其左耳以効功故曰珥蓋取字之偏旁以為左耳其說未為不善如肆師小子羊人言祈珥鄭氏亦曰珥當為珥羽牲曰珥且引禮記之言成廟則變之與此効功之言不同人取左耳為毛性謂羽牲曰珥其文自相背馳況大司馬言致禽以祀助致禽蓋獸于郊皆行祭禮于致禽之後不應致禽之後方取左耳以効功劉執中釋肆師之職曰珥當為珥字之誤也強謂小祝之珥兵災蓋田獵所以訓兵珥災正田獵之事肆師于狩之日蒞卜來歲之戒亦珥兵災之意

蕙田案珥字之義或云取左耳効功或云祭名或云珥兵災也三說不同但取左耳與致禽事屬相聯于文義尤合祭以珥災說似迂遠且又非山虞所當掌也

夏官田僕及獻比禽注田弊獲者各獻其禽也種物相從大數之從其類然後大獸可得而公小獸可得而私

地官澤虞及弊田植虞旗以屬禽注屬禽猶致禽而珥焉澤虞有旗以其主澤舉鳥所集故得注

春官小宗伯若大甸則帥有司而饁獸于郊遂頒禽注讀曰田有司大司馬之屬饁饋也以禽饋四方之神于郊郊有羣神之兆頒禽謂以與羣臣詩傳曰禽雖多擇取三十焉其餘以與大夫士以習射于澤宮而分之

甸祝及郊饁獸舍奠于祖禰乃斂禽禘牲禘馬皆掌其祝號注饁饋也以前獲獸饋于郊薦于四方羣兆入又以奠于祖禰且告反也斂禽謂取二十八人帶人焉杜子春云禘禘也為馬禘無疾為田禘多獲

五禮通考卷三十三 田獵 无

禽牲詩云既伯既禱爾雅曰既伯禱馬祭也元謂禱讀如誤今侏人字也為牲祭求肥充為馬祭求肥健 疏羣神之先皆在四郊還國過羣非遂薦之案王制

為乾豆二為賓客三為充君之庖此八備人者 劉氏釋曰禱牲禱馬者又因飲禽以祭牲牢之神求其博碩肥膍也以祭馬 王氏志長曰田弊矣何以 又禱多獲禽牲宜從後鄭

禮記王制天子諸侯無事則歲三田一為乾豆二為賓客三為充君之庖

陳氏禮曰無事無征伐出行喪凶之事也歲三田者謂每歲田獵皆是為此三者之用也乾豆腊之以為祭祀之豆實也

春秋桓公四年穀梁傳四時之田皆為宗廟之事也佳其所先得一為乾豆二為賓客三為充君之庖

昭公八年穀梁傳禽雖多天子取三十焉其餘與士眾以習射于射宮射而中田不得禽則得禽田得禽而射不中則不得禽是以知古之貴仁義而賤勇力也

乾豆賓客之庖射宮澤宮射以不爭為仁揖讓為義

禮經會元天子無事則歲三田一為乾豆二為賓客三為充君之庖若然則田獵特為三事講也今觀大司馬四時之田皆因田而講武豈徒為賓客庖豆之奉而已哉蓋王制特為獲禽設也非為講武言也周禮非區區於獲禽而實拳拳於講武也然知古人因田事而講武而不知古人因武事而寓田講武本非古人之得已而殺禽亦豈古人之本心哉古人不以無事而講武亦不以無事而殺獸是以因振旅芟舍治兵大閱之教而寓蒐苗獮狩之儀因蒐苗獮狩之田而為社祈禘烝之祭如此則講武為有名而殺獸為有禮也

周禮天官獸人凡祭祀喪紀賓客其其死獸生獸

凡獸入于腊人 乾之 皮毛筋角入于玉府 注人玉府 給作器用

天官掌次諸侯師田則張幕設案王制謂諸侯從王而田者禮記王制天子殺則下大綏諸侯殺則下小綏大夫殺則止佐車佐車止則百姓田獵

陳氏謂曰綏旌旗之屬也下偃仆之也佐車即周禮驅逆之車驅者逐獸使趨于田之地逆者要逆其走而不使之散亡也此言田獵之禮尊卑貴賤之次序

蕙田案詩毛傳天子發然後諸侯發諸侯發然後士大夫發天子發抗大綏諸侯發抗小

綏抗即下也亦即周禮大司馬之所謂弊也

陳氏禮書天子諸侯發則抗大綏小綏殺之時也王制言下大綏小綏既殺之時也

周禮夏官田僕凡田王提馬而走諸侯晉大夫馳

鄭氏謂曰此三者皆行馬之節然後尊卑之分定矣田獵辨從禽之樂君臣不可並驅必有先後遲速之等乃所以為田禮先備以為提遲于馳皆取尊者體從之義深辨經者也

王氏曰提節之晉進之馳則

蕙田案以上諸侯從天子田獵

春秋桓公四年公羊傳諸侯曷為必田狩一曰乾豆二

曰賓客三曰充君之庖

蕙田案以上諸侯自行田獵

右諸侯田獵

史記孟孫獵得麇使西秦巴持之其母隨而呼之西秦巴不忍而與其母孟孫適至求麇對曰余不忍而與其母孟孫大怒逐之居三月復召為其子傅曰夫子不忍麇又且忍吾子乎

陳氏詳道曰春秋傳曰惟君用鮮獸給而已是天子諸侯有四時田獵之禮大夫士不與焉故鄭豐登將祭請田而子產止之

蕙田案陳用之謂大夫無田獵之禮此說非是考賈誼新書論諸侯田獵之禮云已祭取

餘獲陳於澤然後卿大夫相與射禽是大夫
明有從國君田獵之事周禮田僕王提馬諸
侯晉大夫馳王制天子殺下大綏諸侯殺下
小綏大夫殺止佐車云云則大夫並有從天
子田獵之禮矣王制又有大夫不揜羣云云
則大夫又明有自行田獵之禮矣其禮錯見
他門可以互考

右大夫田獵

詩小雅車攻徒御不驚大庖不盈
朱子詩傳大庖君庖也不盈謂取之有度不極欲也
蓋古者田獵獲禽而傷不獻踐毛不獻不成禽不獻
自左膘而射之達于右膊為上殺以為乾豆奉宗廟
達右耳本者次之以為賓客射左髀達于右髀為下

殺以充君庖每禽取三十焉每等得十其餘以與士
大夫習射於澤宮中者取之是以獲雖多而君庖不
盈也

周禮地官迹人禁麇卵者與其毒矢射者

迹為其天物且害心多也麇麋鹿子

疏案月令孟春云不麇不卵又王制云國君春田不圍澤大夫不掩羣士

不麇不卵者彼以春時先乳特禁之其月令季春云饒獸之藥毋出九門

禮記王制不麇不卵不殺胎不斃天不覆巢

天子不合圍諸侯不掩羣

陳氏皓曰合圍四面圍之也掩羣者掩襲而舉羣取之也

曲禮國君春田不圍澤大夫不掩羣士不取麇卵

劉向說苑苗者毛也取之不圍澤不掩羣取禽不麇
卵不殺孕重者春蒐不殺小麇及孕重者冬狩皆取
之

陳氏禮書曲禮國君春田不圍澤大夫不掩羣諸侯

在國之禮也王制天子不合圍諸侯不揜羣諸侯從王蒐之禮也

春秋昭公八年穀梁傳過防弗逐不從奔之道也面傷不獻不成禽不獻注過防弗逐戰不逐奔之義面傷嫌誅降不成禽惡虐幼小

詩毛傳戰不出頃田不出防不逐奔走古之道也

蕙田案防謂田獵之場防限也

國語韋昭註禮聖主之於禽獸也見其生不食其死聞其聲不嘗其肉隱弗忍也故遠庖厨仁之至也不合圍不掩羣不射宿不涸澤豺不祭獸不田獵獺不祭魚不設網罟鷹隼不鷲眚而不逮不出穎羅草木不零落斧斤不入山林昆蟲不蟄不以火田不麝不卵不剗胎不天魚肉不入廟門鳥獸不成毫毛不登庖厨取之有時用之有節則物莫不多

右田獵取物之仁

書五子之歌太康敗於有洛之表

賈誼新書商湯見祝網者置四面其祝曰從天墜者從地出者從四方來者皆離吾網湯曰嘻盡之矣非桀其孰為此湯乃解其三面置其一面更教之祝曰昔蛛蝥作網今之人循序欲左者左欲右者右欲高者高欲下者下吾取其犯命者其憚害物也如是漢南之國聞之曰湯之德及鳥獸矣四十國歸之詩豳風七月序陳王業也周公陳后稷先公風化之所由致王業之艱難也

一之日于貉取彼狐狸為公子裘禮于貉謂取狐狸皮也孟冬天子始裘二之日

其同載纘武功言私其縱獻豳于公傳纘纘功事也豳一歲曰三歲曰豳大獸公之小

獸私之也豳至二之日之時君臣及其民俱出田獵則纘纘武事年常習之使不忘戰也戰鬪不可以不習四時而習之兵事不可以空設田獵蒐狩以閑之故因

習兵而俱出田獵也
美先公禮效備矣

書無逸文王不敢盤于遊田以庶邦惟正之供

史記西伯將出獵卜之曰所獲非熊非羆非虎非羆
所獲伯王之輔于是周西伯獵果遇太公于渭之陽
與語大悅曰自吾先君太公曰當有聖人適周周以
興子真是耶吾太公望子久矣故號之曰太公望載
與俱歸立為師

詩召南彼茁者葭彼茁者葭壹發五豝于嗟乎騶虞

未子曰南國諸侯承文王之化修身齊家以治其國而其仁民之餘恩又有以
及於庶類故其春田之際草木之茂禽獸之多至於如此而詩人述其事而美
之

春秋昭公四年左氏傳成王有岐陽之蒐成王歸自奄大蒐于岐山之陽

通鑑前編成王五年蒐于岐陽因盟諸侯

詩小雅車攻我車既攻我馬既同四牡龐龐駕言徂東

田車既好四牡孔阜東有甫草駕言行狩

采子詩傳宣王復文武之境土修車馬備器械復會諸
侯於東都因田獵而選車徒焉故詩人作此以美之
詩說車攻宣王大閱于東都
諸侯畢會史嘉美之賦也

吉日序吉日美宣王田也

吉日維戊既伯既禱田車既好四牡孔阜升彼大阜從

其羣醜 吉日庚午既差我馬獸之所同麀鹿麇麇漆

沮之從天子之所傳漆沮之水鹿所生也從
漆沮擊禽而致天子之所 瞻彼中原其祈

孔有憺憺侯侯或羣或友悉率左右以燕天子傳祈大也
趨則憺憺

行則侯侯獸三日羣二日友
驅禽之左右以安待天子 既張我弓既挾我矢發彼小豝

此大兕以御賓客且以酌醴疏虞人既驅禽待天子既以張我天子
所射之弓既挾我天子所發之矢發而

中彼小豝亦又豝此大兕也既殺得羣獸以給御
諸侯之賓客且以酌醴與羣臣飲時為祖實也

通鑑前編宣王八年巡狩東都朝會諸侯因以田獵

講武

鄭風叔于田序叔于田刺莊公也叔處于京繕甲治兵

以出于田國人說而歸之疏國人注心于叔說之如此而公不知禁故刺之

叔于田巷無居人豈無居人不如叔也洵美且仁 叔

于狩巷無飲酒豈無飲酒不如叔也洵美且好 叔適

野巷無服馬豈無服馬不如叔也洵美且武

大叔于田序大叔于田刺莊公也叔多材而好勇不義

而得眾也

叔于田乘乘馬執轡如組兩驂如舞叔在藪火烈具舉

檀揚暴虎獻于公所將叔無狂戒其傷女 叔于田乘

乘黃兩服上襄兩驂雁行叔在藪火烈具揚叔善射忌

又良御忌抑磬控忌抑縱送忌 叔于田乘乘鵠兩服

齊首兩驂如手叔在藪火烈具阜叔馬慢忌叔發罕忌

抑釋抑忌抑鬯弓忌

蕙田案段不義而得眾莊公養成而後處之

是弟慢其兄實兄絕其弟序言刺莊公者得

之叔不足道也

齊風還序還刺荒也哀公好田獵從禽獸而無厭國人

化之遂成風俗

子之還兮遭我乎狩之間兮並驅從兩肩兮揖我謂我

儂兮 子之茂兮遭我乎狩之道兮並驅從兩牡兮揖

我謂我好兮 子之昌兮遭我乎狩之陽兮並驅從兩

狼兮揖我謂我臧兮

張氏敘曰讀此而齊之泱泱表海富強莫敵者可見而其急功利喜夸詐之習亦不掩矣詩可以觀豈不信哉

盧令序盧令刺荒也襄公好田獵畢弋而不修民事百

姓苦之故陳古以風焉

盧令令其人美且仁 盧重環其人美且鬢 盧重鉤
其人美且德

秦風駟騶序駟騶美襄公也始命有田狩之事園囿之
樂焉

駟騶孔阜六轡在手公之媚子從公于狩 奉時辰牡
辰牡孔碩公曰左之舍拔則獲 遊于北園四馬既閑

輶車鸞鑣載獫狝驕
春秋桓公四年春正月公狩于郎 左氏傳春正月公
狩于郎書時禮也 公羊傳常事不書此何以書譏何

譏爾遠也
莊公四年冬公及齊人狩于禚 公羊傳公曷為與微

者狩齊侯也齊侯則其稱人何諱與讎狩也前此者有
事矣後此者有事矣則曷為獨于此焉譏于讎者將一

譏而已故擇其重者而譏焉莫重乎其與 狩也于讎
者則曷為將一譏而已讎者無時焉可與通通則為大

譏不可勝說故將一譏而已其餘從同同 穀梁傳齊
人者齊侯也其曰人何也卑公之敵所以卑公也何為

卑公也不復讎而怨不釋刺釋怨也
昭公八年秋蒐于紅 注革車千乘不言大者經文闕

大蒐于紅自根牟至于商衛革車千乘 左氏傳秋
也紅魯地而國縣西有紅亭 也根牟魯東界瑯琊陽

而後書于是蒐于紅自根牟至于商衛革車千乘皆王
都縣有牟鄉商宋地魯西竟接宋衛也 公羊傳蒐狩不書必違禮

家之師也自是而屢蒐三家所以耀武焉爾是故桓莊
之狩必言公昭定之蒐不言公矣 穀梁傳蒐于紅正

也因蒐狩以習用武事禮之大者也
十一年五月大蒐于比蒲

二十年左氏傳冬十二月齊侯田于沛招虞人以弓不
進公使執之辭曰昔我先君之田也旃以招大夫弓以
招士皮冠以招虞人臣不見皮冠故不敢進乃舍之仲
尼曰守道不如守官君子韙之

二十有二年春大蒐于昌間

定公十有三年夏大蒐于比蒲注夏蒐非時

十有四年秋大蒐于比蒲

哀公十有四年春西狩獲麟注冬獵曰狩大野在魯西故言西狩左氏傳春

西狩于大野叔孫氏之車子鉏商獲麟以為不祥以賜

虞人仲尼觀之曰麟也然後取之

國語魯語宣公夏濫於泗淵里革斷其罟而棄之曰古

者大寒降土蟄發水虞於是乎講罟罾取名魚登川禽

而嘗之寢廟行諸國人助宣氣也鳥獸孕水蟲成獸虞

於是乎禁罟羅猶魚鼈以為夏稿助生阜也鳥獸成水

蟲孕水虞於是乎禁罟麗設弃邪以實廟庖畜功用也

且夫山不槎蘖澤不伐天魚禁鯤鰠獸長麇麋鳥翼鷖

卵蟲含蜚蠊蕃庶物也古之訓也今魚方別孕而又行

網罟貪無藝也公聞之曰吾過而里革匡我不亦善乎

是良罟也使有司藏之使吾無忘諗師存待曰藏罟不

如寘里革於側之不忘也

右經傳田獵之事

五禮通考卷二百四十二

此處為正文內容，因文字模糊，無法辨識。

